



杜工部集卷之三

虞山蒙叟錢

謙益

箋註



古詩七十八首

寓秦州及同谷縣行赴蜀中作

貽阮隱居

昉

陳留風俗衰人物世不數塞上得阮生迴繼先父祖
貧知靜者性自益毛髮古車馬入隣家蓬蒿翳環
堵清詩近道要識子一作字用心苦尋我草逕微褰裳踏
寒雨更議居遠村避喧甘猛虎足明箕穎客榮貴如
糞土

陳留

晉書阮籍字嗣宗陳留尉氏人也

遺興三首

下馬古戰場四顧但茫然風悲浮雲去黃葉墜一作我
前朽骨穴螻蟻又為蔓草纏故老行歎息今人尚開
邊漢口互勝負一作封疆不常全安得廉耻一作將三軍

同晏眠

高秋登塞一作山南望馬邑州降口東擊口壯健盡不

留穹廬莽年落上有行雲愁老弱哭道路願聞甲兵

休鄴中事反覆一作死人積如丘諸將已茅土載驅

誰與謀

馬邑唐志馬邑州屬元十七年置在秦成二州山谷間寶應元年徙于

成州之鹽井故城隸秦州都督府中州集觀簡康夫詩說云鮑飲

豐年孰一作云遲甘澤不在早耕田秋雨足禾黍已

映道春苗九月交顏色同日老勸汝衡門士勿悲尚

枯槁時來展材力先後無醜好但訝鹿皮翁忘機對

芳一作草

鹿皮翁列仙傳曰鹿皮公者淄川人也少為府小吏木工聚手能成器械岑

輪縣心閣意思橫生數十日梯道成上其巔作祠屋留止其旁食芝草飲

神泉七十餘年淄水來三下呼宗族得六十餘人命上山半水出盡漂一

昔遊

昔謁華蓋君深求洞宮脚陳作綠袍玉陳作棺已上天白日

亦寂一作冥暮昇艮岑一作頂巾几猶未却弟子四五人

入來淚俱落余時游名山發軔在遠壑良覲違夙願

含凄一作向寥廓林昏罷幽磬竟夜伏石閣王喬下天

壇微月映皓鶴晨溪嚮虛駛歸徑行已昨豈辭青鞋

賦悵望一云悵金匕藥東蒙赴舊隱尚憶同志樂休一作伏事

董先生于今獨蕭索胡為客關塞道意久衰薄妻子

亦何人丹砂負前諾雖悲髮髮變一云髮髮變未憂筋力弱

扶一作杖藜望清秋有興入廬霍

華蓋君清虛真人王君內傳詣赤臺童子華蓋上公授以五雲夜光雲

琅水霜洞天福地記華蓋山周迴四十里各曰容城太玉之天

在温州永嘉縣仙玉棺後漢王喬傳天下玉棺于堂前吏人推排終不

人羊公修治之蓋便王喬琴賦王喬披雲而下墜寰宇記董先生一憶昔行所講衡

立覆王喬王子喬壇在緱氏縣東南六里董先生一陽董鍊師也舊

注以為董京感失之遠廬霍謝玄暉詩誰廬霍謝靈運詩游當羅

矣故曰有興入廬霍髮變謝玄暉詩誰廬霍謝靈運詩游當羅

能髮不變廬霍謝靈運詩游當羅

方曰... 幽人

孤雲亦羣遊神物有一作識所歸麟一作靈鳳在赤霄何當一作嘗

一來儀往與惠荀一作詢輩中年滄洲期天高無消息棄

我忽若遺內懼非道流幽人見一作在瑕疵洪濤隱語笑

鼓柁蓬萊池崔嵬扶桑日照曜珊瑚枝風帆倚翠

益一作嘯暮把東皇衣嘯嗽元和津所思烟霞一作霧微知名

未足稱局促商山芝五湖復浩蕩歲暮有餘悲

惠荀舊注惠昭荀珪固屬偽撰而以爲惠遠許詢亦謬玄度正可與支

公並用杜詩亦屢見之且自昔多稱遠公不言惠也按公逸詩中

有送惠二過東溪詩云空谷滯斯人又云黃綺未稱幽人局促商山芝

臣與此詩中年滄洲期句正合詢或其名未可知也幽人指李泌也泌

定太子之後懼輔國之譖請隱衡山故云在瑕疵五湖復

浩蕩正用范蠡事比之耳以韓諫議諸詩參考則知之矣

昔游幽人二詩草堂本叙荆州潭州詩內今從舊叙于此

佳人

絕代有佳人幽居在空山一作山谷自云良家子零落依草

意... 幽人

高此佳人所為
見景者在山高
水自北在山則
清而約一出則
其濁而柔一美
雲白而中神品
中寓見即操

禾關中昔喪敗一作亂兄弟遭殺戮官高何足論不得收

骨肉世情惡衰歇萬事隨轉燭夫婿輕薄兒新人已

一作美如玉合昏尚知時鴛鴦不獨宿但見新人笑那聞

舊人哭在山泉水清出山泉水濁侍婢賣珠迴牽蘿

補茅屋摘花不插髮一作髮采柏動盈掬一作握天寒翠袖

薄日暮倚修竹一作竹合昏本草合歡至暮即合故云合昏崔豹

赤谷西崦人家

躋險不自喧一作安出郊已清日溪迴日氣暖逕轉山

田熟鳥雀依茅茨藩籬帶松菊如行武陵暮欲問桃

花一作源宿

赤谷地理志秦州有崦嵫山在赤谷之西曹操與劉備戰于此谷川水為之丹因號曰赤谷一統志赤谷在秦州西南七十里中有赤

川崦嵫山在秦州西五十里在赤谷之西故曰西崦通志秦州西十二里

西枝村尋置草堂地夜宿贊公土室二首

出郭眇細岑披榛得微路溪行一流水曲一作方屢度

贊公湯休徒好靜心迹素昨枉霞上作盛論岩中起

怡然共攜手恣意同遠步捫蘿澀先登陟巘眩反顧

要求陽岡煖苦陟一作步陰嶺洵惆悵老大藤沈吟屈蟠

樹卜居意未展杖策迴且暮層巔一作天餘落日草蔓已

多露天寒鳥已歸月出人一作山更一作巴靜土室延白光松門耿

疎影躋攀倦日短語樂寄夜永明燃林中薪暗汲石

絕似采亦迴顧

底一作泉井大師京國舊德業天機秉從來支許遊興趣
江湖迴數竒謫關塞道廣存箕穎何知戎馬間復接
塵事屏幽尋豈一路遠色有諸嶺晨光稍曉曉更越
西南頂

寄贊上人

一昨陪錫杖卜隣南山幽年侵腰脚衰未便陰崖秋
重岡北面起竟日陽光留茅屋買一作置兼土斯焉心所
求近聞西枝西有谷杉黍一作漆稠亭午頗和暖石一作沙田
又足收當期塞一作寒雨乾宿昔齒疾瘳徘徊虎穴上面
勢龍泓頭柴荆具茶茗逕一作遙路通林丘與子成二老
來往亦風流

虎穴龍泓

陝西通志虎穴在成縣城西龍泓一在飛龍峽一在天井山方輿勝覽飛龍峽在仇池山下黃氏楊飛龍據仇池故各其東杜甫避亂居此有詩云云又停騎龍潭雲回首虎崖石

太平寺泉眼

招提憑高岡疎散連草莽出泉枯柳根汲引歲月古
石間一作門見海眼天畔縈水府廣深丈尺間宴息敢輕
侮青白二小虵幽姿可時覩如絲氣或上爛熳爲雲
雨山頭到山下鑿井不盡土取供十方僧香美勝牛
乳北風起寒文弱藻舒一作勝翠縷明涵客衣淨細蕩林
影趣何當宅下流餘潤通藥圃三春濕黃精一食生
毛羽

牛乳

維摩經阿難白佛言憶念昔時世尊身有小疾當用牛乳黃精博物志天老謂黃帝曰太陽之草名黃精餌之可以長生

世傳華陀漆葉青黏散云
青黏是黃精之正葉者

夢李白二首

死別已吞聲生別常惻惻江南瘴癘地逐一作遠客無消

息故人入我夢明我長相憶恐非平生魂路遠一作迷不

可測魂來楓葉一作林青魂一作夢返關塞黑君今在羅網何

以一作似有羽翼落月滿屋梁猶疑照一作見顏色水深波浪

闊無使蛟龍得

天寶十五載白臥廬山永王璘迫致之璘軍敗白坐繫尋陽獄得釋乾元元年終以汗璘事長流夜郎遂泚洞庭上峽江至巫山以赦得釋憇岳陽

江楓林招魂湛湛江水兮上有楓日極千里兮傷春心魂屋梁日宋

夏歸來哀江南阮籍詩湛湛長江水上有楓樹林

浮雲終日行遊子久不至三夜頻夢君情親見君意

方曰是時在長安
白在江州相去數千里
本得言其不消氣也
作是詩首言沉
非言其言其言
前是公作醒時
所見但見微
梁之二夢境恍如
冠釋之
在
亦
思

告歸常局促苦道來不易江湖多風波一作多風舟楫恐

失墜出門搔白首若一作苦負平生志冠蓋滿京華斯人

獨顛顛孰云網恢恢將老身一作才反累千秋萬歲名寂

寞身後事

有懷台州鄭十八司戶虔

天台隔三江一作江海風浪無晨暮鄭公縱得歸老病不識

路昔如水一作晉作天上鷗今如一作為罝中兔性命由他人悲

辛但狂顧山鬼獨一脚蝮虵長如樹呼號傍孤城歲

月誰與度從來禦魑魅多為一作被才名悞夫子嵇阮流

更被一作遭時俗惡海隅微小吏眼暗髮垂素黃帽映云

青袍非供折腰具平生一杯酒見我故人遇相望

狂顧山鬼

上集卷二

無所成乾坤莽迴互

山鬼魯語水石之怪曰夔夔蝮草注木石謂山也或云夔一足越人謂之山魃或作孫富陽有之人首猴身能言或云獨足蝮蛇

招魂蝮蛇秦秦山海經蝮蛇色如綬文大者百餘斤一名反鼻蛇爾雅蝮虺博三寸首大如擘

遣興五首

螫龍三冬臥老鶴萬里心昔時賢俊人未遇猶視今

嵇康不得死一云且不死孔明有知音又如壠底草堂作龍坻松用

捨在所尋大哉霜雪幹歲久為枯林

嵇康鍾會言于文帝曰嵇康臥龍也不可起公無憂天下顧以康為慮耳因譖康帝信之同為臥龍康不得其死而孔明有知音用捨之故耳

昔者一作在昔龐德公未曾入州府襄陽耆舊聞處士節獨

苦一作猶豈無濟時策一作術終竟畏羅罟一作終歲罟羅罟林茂鳥有歸

水深魚知聚舉家依一作隱鹿門劉表焉得取

水深魚知聚舉家依
鳥有歸鹿門

龐德公水經注沔水中有魚梁洲龐德公所居漢之陰在南自沙司馬德操宅洲之陽望衡對宇歡言自接泛舟褰裳率爾休

陽水南有層臺號曰景升臺表盛遊于此常所止憩

我今日夜憂諸弟各異方不知死與生何況道路長

避寇一分散饑寒永相望豈無柴門歸一作掃欲出畏虎

狼仰看雲中雁禽鳥亦有行

蓬生非無根漂蕩隨高風天寒落萬里不復歸本叢

客子念故宅三年門巷空悵望但烽火戎車滿關東

生涯能幾何常在羈旅中

昔在洛陽時親友相追攀送客東郊道遨遊宿南山

烟塵阻長河樹羽成臯間迴首載酒地豈無一日還

丈夫貴壯健慘戚非朱顏

遣興五首

朔風飄□雁慘澹帶砂礫長林何蕭蕭秋草萋更碧北
里富薰天高樓夜吹笛焉知南鄰客九月猶絺綌
長陵銳頭兒出獵待明發驛一作弓金爪鏑白馬蹴微
雪未知所馳逐但見暮光滅歸來懸兩狼門戶有旌
節

銳頭

春秋後語平原君曰澠池之會臣觀武安君之為人小頭而銳瞳子黑白分明瞻視不轉難與爭鋒廉頗足以當之旌節
車服志大將出賜旌以顯賞節以顯殺旌以絳帛五丈粉畫虎有銅龍一首纏緋幡紫縑為袋油囊為表節垂畫木盤三相去數寸限垂尺麻餘與旌同舊書每扈從驪山五家合

漆有用而割膏以明自煎蘭摧白露下桂折秋風前
府中羅舊尹沙道尚依然赫赫蕭京兆今為時所憐

沙道

唐國史補凡宰相禮絕班行府縣載沙填路自私第至于城東街號曰沙路張籍沙堤行云白麻詔下移相印新堤未成舊堤盡

蕭京兆

李德裕明皇十七事源乾曜奏事稱旨上驟用之謂高力士曰知吾拔用乾曜之速乎吾以其容貌言語類蕭至忠也力士曰至忠不嘗負陛下乎帝曰至忠晚乃謬計耳其初立朝得不謂賢相乎東坡曰明皇雖誅蕭至忠然甚懷之侯君集云蹉跌至此至忠亦蹉跌者耶故子美亦哀之按蕭至忠未嘗官京兆尹若以蕭望之論至忠則望之為左馮翊未嘗為京兆尹也天寶八載京兆尹蕭吳坐賊左遷汝陰太守史稱京兆尹蕭吳御史中丞宋吳皆林甫所親善國忠皆誣奏遣逐林甫不能救則所謂蕭京兆者蓋蕭吳也姚汝能安祿山事迹云蕭吳為河南尹以賊下獄吉温課竟其罪吳為林甫佐之由是特恩轉太府卿温後為萬年縣丞未幾吳拜京兆尹高力士權移將相吳親附之温尤與之善遂相結為膠漆其事亦詳舊書吉温傳中吳先代裴耀卿為江淮轉運使林甫引為戶部侍郎出為岐州刺史轉河西節度使經略吐蕃開元二十七年吐蕃寇白單安人等軍吳擊敗之則所謂赫赫蕭京兆者亦可想見矣京兆尹多宰相私人相與附麗若吳與鮮于仲通輩皆是故曰府中羅舊尹沙道尚依然也故為人所羨今為人所憐用漢成帝時童謠哀之亦刺之也東坡解此詩未當或亦偽託耳

猛虎憑其威往往遭急縛雷吼徒咆哮枝撐已在脚
忽看皮寢處無復睛閃爍人有甚于斯足以勸一作元

開元白一沈

惡

猛虎

此蓋指吉温之流温常云若遇知巴南
山白額虎不足縛也故公借以爲喻

朝逢

一作逆

富家葬前後皆

一作見

輝光共指親戚大總麻百

夫行送者各有死不須羨其強君看束練一作縛去亦得

歸山岡

吳志孫亮殺諸葛恪以葦席裹其
身而笮束其腰投之于石子岡

束縛

吳志孫亮殺諸葛恪以葦席裹其
身而笮束其腰投之于石子岡

遣興五首

天用莫如龍有時繫扶桑頓轡海徒涌神人身更長

性命苟不存英雄徒自強吞聲勿復道真宰意茫茫

扶桑頓轡

劉向九歎維六龍于扶桑補注春秋命曆序曰皇伯登扶
桑日之陽駕六龍以上下陶淵明讀山海經詩靈人侍丹

池朝朝爲日浴山海經鍾山之神名曰燭龍其長千里何承天云
日爲陽精光曜炎熾一夜入海所經焦鳩百川歸注足以相補

地用莫如馬無良復誰記此日千里鳴追風可君意

君看渥洼種態與駑駘異不雜一作在蹄齧間逍遙有能

事

陶潛避俗翁未必能達道觀其著詩集頗亦恨枯槁達

生豈是足默識益不早有子賢與愚何其掛懷抱

賀公雅吳語在位常清狂上疏乞骸骨黃冠歸故鄉

爽氣不可致斯人今則亡山陰一茅宇江一作淮海日淒

涼

清狂

知章爲禮部侍郎取舍非見門蔭子弟喧訴盈庭于是以梯登墻
首出決事時人咸嗤之晚年尤加縱誕因病恍惚乃上疏請度爲

道士求還鄉里仍舍
本鄉宅爲觀上許之

吾憐孟浩然袒褐卽長夜賦詩何必多往往凌鮑謝

多愛斯程子多...
佳未佳者...
強知知言

在谷而...
在逃而不敢也

走馬四...
生王水...
生王水...
生王水...

送徒另...
押解之吏

或去引...
或去引...

清江空舊魚一作舊魚美春雨餘甘蔗每望東南雲令人

幾悲吒

前出塞九首

前出塞為徵秦隴之兵赴交河而作後出塞為徵東都之兵赴薊門而作也前則主上好武窮兵開邊故以從軍苦樂之辭言之後則祿山逆節既萌幽燕騷動而人主不悟卒有陷沒之禍假征成者之辭以譏切之也

戚戚去故里悠悠赴交河公家有程期亡命嬰禍羅

君已富士境開邊一何多棄絕父母恩吞聲行負戈

元和郡國志交河縣本漢車師前王庭地貞觀十四年于此置縣交河出縣北天山水分流于城下因以為名天山在縣東北

出門日已遠不受徒旅欺骨肉恩豈斷男兒死無時

走馬脫轡頭手中挑青絲捷下萬仞一作岡俯身試拳

旗

磨刀嗚咽一作水水赤刃傷手欲輕腸斷聲心緒亂已

久丈夫誓許國憤惋復何有功名圖騏驎戰骨當速

朽

說文隴山天水大坂也辛氏三秦記引俗歌云隴頭流水鳴聲幽咽遙望秦川肝腸斷絕

送徒既有長遠戍亦有身生死向前去不勞吏怒嗔

路逢相識人附書與六親哀哉兩決絕一作不復同一作苦

辛

迢迢萬餘里領我赴二軍軍中異苦樂主將寧盡聞隔

河見□騎倏忽數百羣我始為奴僕幾時樹功勳

挽弓當挽強用箭當用長射人先射馬擒賊先擒王

殺人亦有限一作立國自有疆苟能制侵陵豈在多殺

詩國

送死

甘苦

止殺

傷

驅馬天雨雪軍行入高山逕危抱寒石指落曾冰間已

去漢月遠何時築城還浮雲暮南征可望不可攀

單于寇我壘百里風塵昏雄劔四五動彼軍為我奔

擄其名王歸繫頸授轅門潛身備行列一勝何足論

單于

開元二十二年契丹及奚連年為邊患張守珪使人誘殺其王屈

刺及其大臣可突干傳首東都景于天津橋之南天寶初王忠嗣

北伐奚突厥突厥十姓叛悉密葉等攻殺烏蘇米施可汗傳首京師

從軍十年餘能無分寸功眾人貴苟得欲語羞雷同

中原有鬪爭況在□與□丈夫四方志安可辭固

一作

窮

後出塞五首

後出塞五首

男兒生世間及壯當封侯戰伐有功業焉能守舊丘

召募赴薊門軍動不可留千金買馬鞭一作百金裝刀

頭問里送我行親戚擁道周斑白居易上列酒酣進庶

羞少年別有贈含笑看吳鉤

薊門

安祿山欲以邊功市寵數侵掠奚契丹開元四年各殺公主以叛

獻十載祿山討契丹大敗而歸十一載大舉以報去秋之役阿布

朝進東門營一作暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜寂

寥悲笳數聲動壯士慘不驕借問大將誰恐是霍嫖

姚

子

東門

太平寰宇記上東門洛陽東面門也後又改為東陽門水經注穀水又東屈而逕建春門石橋下即上東門也阮嗣宗詩云步出上

方冊
易
如
首
尾
不
可
剛

從軍

早

立

思

方冊
閣

東門者也胡三省曰此言漢晉洛城諸門非隋唐所徙洛城也上東門之地唐為鎮按通鑑李光弼將詣河陽諸將請曰今自洛城而北平當石橋而進乎光弼曰當石橋而進夜至河陽石橋之地蓋即所謂東門營也
河陽橋 通典河陽縣古孟津後橋即杜預所建元和郡國志河陽浮橋駕黃河為之以船為脚竹篳豆之晉陽秋云杜元凱造河橋于富平津即此是也安祿山事跡祿山兵發范陽先令將軍何千年領壯士數千人先俟于河陽橋封常清郭子儀保東京皆斷河陽橋
大將 天寶二年祿山入朝進驃騎大將軍
古人重守邊今人 一作**重高勳** 豈知英雄主出師巨英華作直
長雲六合已一家四 且孤軍遂使**貔** 一作虎 **虎** 一作武 **士奮**
身勇所聞拔劍擊大荒日收 **馬羣誓開玄冥北持**
以奉吾君

高勳 通鑑舊制百姓有勳者免征役
馬羣 安祿山事蹟祿山包藏禍心將生逆節養同羅及降奚契丹曳落河八千餘為已子又畜單于護真大馬習戰鬪者數萬匹已八九年矣通鑑阿布思為回紇所破祿山誘其部落而降之由是祿山精兵天下莫及

將

獻凱日繼踵兩蕃靜無虞漁陽豪俠地擊鼓吹笙竽
雲帆轉遼海粳稻來東吳越羅與楚練照耀輿臺軀
主將位益崇氣驕凌上都邊人不敢議議 **知路衢**

獻凱 安祿山事蹟祿山誘降阿布思部落其男女一萬口送于京師玄宗御勤政樓受之又遣其子慶緒獻奚契丹及同羅阿布思等生口三千人金銀錦綉馬奚車布
兩蕃 安祿山事蹟奚契丹各殺公主于闕下玄宗大悅張樂以會將士
遼海 唐會要開元二十七年李適為其侵掠通鑑上謂國忠曰祿山朕推心待之東西二藉其鎮遏
主將 安祿山事蹟祿山潛語聞習海者云航海自二浙可至平州聞登州竹山馳基諸島之外天晴無雲可望平州城壁杜甫後出塞及昔遊篇云云其事可見陶九成樓耕錄國朝海運糧儲以為古來未嘗有此按杜
商至則 服坐重床燒香列珍寶令百侍左右羣
不見嚴介士 于前後成備而後見之無復人臣之禮中使馮神威齋聖書召祿山祿山踞床不起但云聖人安穩或言祿山反者玄宗縛送祿山道路相目無取言者奏還者告祿山反乃囚于商州將送之遇祿山起兵乃放之

上集卷三

三

此詩有此詩
如生老樣
籍忠陸
遊回推想
事不
喜而以
方曰此人

我本良家子出師亦多門將驕益愁忍身貴不足論
躍馬二十年恐辜明主恩坐見幽州騎長驅河洛昏
中夜間道歸故里但空村惡名幸脫免窮老無兒孫

幽州騎安祿山事蹟十一月九日祿山起兵反以同羅奚契丹室韋曳落河兼范陽平盧河東幽薊之衆號父子軍馬步相兼十萬鼓行而西

別贊上人

百川日東流客去亦不息我生苦一作若漂蕩何時有終
極贊公釋門老放逐來上國還為世塵嬰頗帶顛顛
色楊枝晨在手豆子雨一作雨已熟是身如浮雲安可限
南北異縣逢舊友一作交初忻寫胸臆天長關塞寒一作遠歲
暮饑凍一作寒逼野風吹征衣欲別向曛黑一作昏馬嘶一作鳴思

故樞歸鳥盡歛翼古來聚散地宿昔長荆棘相看俱
衰年出處各努力

楊枝梵網經頭陀冬夏坐禪結夏安房常用楊枝涅槃經各于晨時日初出時離常住處方用楊柳或以楊柳為齒木乃鑿說也豆

子趙曰言贊公當春為寺主來秦州已見豆熟也浮雲維摩經是身如宿贊公房云杖錫何來此秋風已颯然正一義

萬丈潭同谷縣作

青溪合趙鴻刻冥冥神物有顯晦龍依積水蟠窟壓萬

丈內跼步凌垠堦側身下烟靄前臨洪濤寬却立蒼
石大山危一徑盡崖一作岸絕兩壁對削成根虛無倒影

垂澹瀕趙作澗黑如陳作為灣潭底清見光炯碎孤雲方輿

倒來深飛鳥不在外高蘿成帷一作帳幄寒木累一作壘旌旆
遠川曲通流嵌竇潛洩瀨造幽無人境發興自我輩

右
刻
石
山
危
一
徑
盡
崖
絕
兩
壁
對
削
成
根
虛
無
倒
影

告歸遺恨多將老斯遊最閉藏修鱗蟄出入巨石趙作

礙何事趙作暑一作炎天過快意風雨一作雲會

萬丈潭

唐咸通十四載西康州刺史趙鴻刻萬丈潭詩又題杜甫同谷茅茨曰工部棲遲後隣家大半無青羗迷道路白社寄孟孟大雅何人繼全生此地孤孤雲飛鳥什空勒舊山隅鴻曰萬丈潭在公宅西

洪濤蒼石山徑岸壁如日見之方輿勝覽萬丈潭在同谷縣東南七里通志在成縣東南七里

出垠堦西京賦前後無有垠堦淮南子出于俗傳有龍自潭飛出垠堦無垠鄂之門許慎曰垠鄂端崖也澹澗

廣韻澗清也濡也夢弼曰澹對澗灣澗玉篇澗澹泚也集韻作澗水帶沙往來貌

兩當縣吳十侍御江上宅

寒城朝烟澹山谷落葉赤陰風千里來吹汝江上宅

鷓鴣號枉渚日色傍阡陌借問持斧翁幾年長沙客

哀哀失木狖矯矯避弓翮亦知故鄉樂未敢思宿昔

昔在鳳翔都共通金閨一作門籍天子猶蒙塵東郊暗長

貞州美對事
居而學者
不肖民
受道
不肖民

高白付物
相
居而學者
不肖民
受道
不肖民

戟兵家忌間諜此輩常接跡臺中領舉劾君必慎剖

析不忍殺無辜所以分白黑上官權許與失意見遷

斥仲尼甘旅人向子識損益朝廷非不知閉口休歎

息樊本仲尼一聯在朝廷一聯下余時忝諍臣丹陛實咫尺相看受狼狽

至死難塞責行邁心多違出門無與適於公負明義

惆悵頭更白

兩當

寰宇記鳳州兩當縣因界內兩當水為名水經注云兩當水出陳倉縣之大散嶺西南流入故道川謂之故道水河池縣有兩當水

西北自成州界入東南流入故道水縣取水為名或云縣西界有兩山相當為名吳侍御方輿勝覽吳郁兩

言事被謫居家不仕與杜子美交游唐鷓鴣九辨鷓鴣嗚枉渚陸雲

韋續墨藪吳郁字體綿密不謝當時士然詩通波激枉渚善注引朝發枉渚陳浩然日此詩枉渚以斜曲為義非武陵湘潭之枉渚

發秦州

乾元二年自秦州起同谷縣紀行十二首

此步後秦州
十一首同字
同谷縣紀行

我衰更懶拙生事不自謀無食問樂土無衣思南州
漢源十月交天氣涼如秋草木未黃落况聞山水一作東
幽栗亭名更佳下有良田疇充腸多薯蕷崖蜜亦易
求密竹復冬笋清池可方舟雖傷一作云旅寓遠庶遂平
生遊此邦俯要衝實恐人事稠應接非本性登臨未
銷憂谿谷無異石塞田始微收豈復慰老夫一作憫一作憫
然難久留日色隱孤戍烏啼滿城頭中宵驅車去飲
馬寒塘流磊落星月高蒼茫雲霧浮大哉乾坤內吾
道長悠悠

同谷

寰宇記本漢下辨道後魏定仇池置廣業郡領白石栗亭二縣後
元元年改白石為同谷縣趙使曰日在房公起秦亭十一月至西
康冬春之交發同谷登劔門
公在同谷茅茨蓋不盈月
南州元和郡國志成州東北至秦州一百
八十里地志同谷蜀北秦南郭仲產

秦州記曰度沅隴無蠶桑八月乃麥五月乃解凍趙使
曰天水地寒田瘠于同谷而同谷絲麻多于秦塞故也
漢源水經注常
璩華陽國
志曰漢水有二源東源出武都氏道縣漾山為漾水禹貢導漾東流為漢
是也西源出隴西嶓冢山會白水經葭萌入漢始源曰沔後漢志隴西郡氏
道養水出此注巴漢志漢
水二源東源此縣之養山
栗亭寰宇記同谷縣有栗亭鎮與州左溪水
自成州栗亭縣來北合嘉陵江咸通中
刺史趙鴻刻石同谷曰工部題栗亭十韻不復見鴻詩
曰杜甫栗亭詩詩人多在口悠悠二甲子題記今何有
薯蕷本草薯蕷
補虛勞充
五臟久服輕身不饑
注云蜀道者尤良
崖蜜本草石蜜陶隱
居云即崖蜜也

赤谷

天寒霜雪繁遊子有所之豈但歲月暮重來未有期
一云亦
未期
晨發赤谷亭險艱一作難方自茲亂石無改轍我車
已載脂山深苦多風落日童稚饑悄然村墟迴烟火
何由追貧病轉零落一云零故鄉不可思常恐死道路永
為高人嗤

東坡云老杜自
蒼山在日
千百里
明
常
腹
日
此

陰
修
修
修

為
高
人
嗤

此
上
五

鐵堂峽

山風吹遊子縹緲乘險絕硤形藏堂隍壁色立積荆作精

鐵徑摩穹蒼蟠石與厚地裂修織無垠一作竹嵌空

太始雪威遲哀壑底徒旅慘不悅一作徒懷水寒長冰橫

我馬骨正折生涯抵弧矢盜賊殊未滅飄蓬踰三年

迴首肝肺熱

鐵堂峽

方輿勝覽鐵堂山在天水縣東五里硤有石笋青翠長者至丈餘小者可以為礪蜀姜維世居此通志硤有鐵堂莊四山環抱

對面有孤冢相傳是維禰瑩

堂隍

漢書胡建傳列坐堂皇上師古曰堂無四壁曰堂隍注謂山臺如堂是硤藏于兩山之間也

竹

秦州記隴西上邽縣北有利山川中平地有土堆高五丈生細竹翠茂殊常知隴西地多細竹也

鹽井

鹵中草木白青者官鹽烟官作既有程煮鹽烟在川

汲井歲榘榘

草堂本云當作榘榘

出車日連連自公斗三百轉致斛

六千君子慎止足小人苦喧闐我何良歎嗟物理固

自然

一云亦固然

鹽井

水經注鹽官水南入漢水水有鹽官在番冢西五十許里相承營煮不輟味與海鹽同故地理志云西縣有鹽官是也元和郡國志

鹽井在成州長道縣東三十里水與岸齊鹽極甘美食之破氣瀉官故城在縣東三十里在番冢西四十里相承營煮味與海鹽同

說文鹵鹽池也東方謂之斥西方謂之鹵宣

帝紀常困于蓮勺鹵中如淳曰蓮勺有鹽池

年第五琦為使初變法劉晏代之法益密貞元四年江淮斗增二百為錢三百一十後復增六十河中兩池鹽斗三百七十豪賈射利官收不能半

寒硤

行邁日悄悄山谷勢多端雲門轉絕岸積阻霾天寒

寒硤不可度我實一作貧衣裳單况當仲冬交泝泐增波

高白塔於... 如鐵板... 此山... 乃月... 昭... 瘡也

古

瀾野人尋烟語行子傍水餐此生免荷艾未敢辭路
難

鶴曰秦至成之界垂二百里又七十里至成今與嶺尚
為秦地而已交十一月則去秦在十月之末無疑也

法鏡寺

方曰青此山以深
情神神保乍往
寺松懸初破竹
信晨定亭亭
出遠忘前路
行也

身危適他州勉強終勞苦神傷山行深愁破崖寺古
嬋娟碧鮮淨蕭滅寒籥聚回回一作山石根水冉冉松
上雨洩雲蒙清晨初日霧復吐朱薨半光炯戶牖粲
可數挂一作策忘前期出蘿已亭午冥冥子規叫微徑
不復一作取

嬋娟 楚辭便娟之修竹兮寄生于江潭吳都賦檀樂
嬋娟玉潤碧鮮枚乘兔園賦修竹檀樂夾池水

青陽峽

塞外苦厭山南行道二云登路彌惡岡巒相經亘雲水氣參
錯林迴硤角來天窄一作穿壁面削磨西五里石奮怒向
我落仰看日車側俯恐坤軸弱魑魅嘯有一作有狂風霜霰
浩漠漠昨憶一作憶昨踰隴坂高秋視吳岳東笑蓮華卑北
知崆峒薄超然侔壯觀已謂殷一作隱寥廓突兀猶趁人
及茲歎一作冥冥

魑魅 蕪城賦水魅山鬼野鼠城
狐風嗥雨嘯昏見晨趨隴坂 後漢志有大坂名隴坻三秦記
其坂九迴不知高幾許欲上者

七日吳岳 周禮雍州其山鎮曰嶽山孫炎曰雍州鎮有吳岳山也漢志
乃越吳岳在汧縣西古文以為汧山國語謂之西吳秦都咸陽以

為西岳元和郡國志吳山在縣
西南五十里今為國之西鎮山

龍門鎮

細泉兼輕冰沮洳棧道濕不辭辛苦行迫一作迫此短景

方曰石門雪雲而見成
急石門雪雲而見成
急石門雪雲而見成
急石門雪雲而見成

急石門雪雲一作監一作古鎮峰巒集旌竿暮慘澹風水
白刃澀口馬屯成臯防虞此何及嗟爾遠戍人山寒
夜中泣

龍門水經注洛谷水又南逕仇池郡西瞿堆東西南入漢水漢水又東

北龍門谷東流與橫水會東北窮溪即水源也又南逕龍門戍東又東南

入洛漢水又東南逕上祿縣故城西寰宇記龍門山在梁州三泉故縣西

七十里棧道元和郡國志褒斜道一名石牛道張良令燒絕棧道即此道

退軍燒壞赤崖以北閣道緣石門水經注褒水西北出衙嶺山東南逕

石門門穿山通道六丈有餘蜀都賦曰岨以成臯舊注言安史之兵屯

石龕

熊羆咆我東虎豹號我西我後鬼長嘯我前狨又啼

天寒昏無日山遠道路迷驅車石龕下仲冬見虹蜺

伐竹一作者誰子悲謔上一作雲梯為官採美箭五歲供

梁齊苦云直簞一作盡無以充一作提携奈何漁陽騎颯

颯驚蒸黎

石龕方輿勝覽石龕狨本草狨似猴而大毛長黃赤色生梁齊謂

南河北用兵而箭
簞取給于隴右也

積草嶺自注同谷界

連峰積長陰白日遙隱見颯颯林響交慘慘石狀變

山分一作積草嶺路異明水縣旅泊吾道窮東衰年歲

時倦卜居尚百里休駕投諸彥邑有佳主人情如已

會面來書語絕妙遠客驚深眷食蕨不願餘茅茨眼

方曰石門雪雲而見成
急石門雪雲而見成
急石門雪雲而見成
急石門雪雲而見成

遠目視可也

中見

積草嶺 通志嶺在舊天水同谷之間 明水 元和郡國志鳴水縣屬興州東至州一百一十里本漢沮縣地也後魏置鳴水

縣以谷為名夢弼曰謂此嶺之外東西別行東則同谷西則明水也

泥功山

朝行青泥上暮在青泥中泥濘一作非一時版築勞人

功不畏道途一作永乃將一云反將汨沒同白馬為鐵驪小

兒成老翁哀猿一作透却墜死鹿力所窮寄語北來人

後來莫忽忽

泥功山

寰宇記雷牛山泥公山五仙山三山皆歷栗亭縣界方輿勝覽在同谷郡西二十里梁書西魏氏南梁州刺史仇池公揚靈珍據泥功山歸欽元和郡國志貞元五年于同谷縣西界泥公山上權置行成州西北五十三里接溪山東即今通路也懸崖萬仞上多雲雨行者屢逢泥淖故號為青泥嶺 鐵驪 詩駟鐵孔阜爾雅馬純黑曰驪

鳳凰臺

山峻不以

亭亭鳳凰臺北對西康州西伯今寂寞鳳聲亦悠悠

山峻路絕蹤石林氣高浮安得萬丈梯為君上上頭

恐有無母雛饑寒日啾啾一作我能剖心出一作飲啄

慰孤愁心以當竹實炯然無一作外求血以當醴泉豈

走比清流所重王者瑞敢辭微命休坐看綵翮長一作舉

舉一作意八極周自天銜瑞圖一作飛下十二樓圖以奉

至尊鳳以垂鴻猷再光中興業一洗蒼生憂深衷

正一作方為此羣盜何淹留

鳳凰臺

寰宇記鳳凰山在同谷縣水經注云濁水南經繫頭郡東而南合鳳溪水水上承濁水于廣業郡南逕鳳凰溪中有二石雙高其形若闕漢世有鳳凰栖其上故謂之鳳凰臺北去郡二里水出臺下方輿勝覽在同谷東南十里中有二石如闕山腰有瀑布名迸璣泉天寶間

方曰此對國風自
其名而有處也風
世無才者焉曰在
鳳皇皇如早山中
有風皇皇我願到
豈以飲啄之極
正新聖太
好作此唐想
新日同程
詩奇絕云白

厚自期符

公居同谷僅百

哥舒翰有題刻
宛然半巖間
西康州
元和郡國志同谷縣本漢下辨道屬武都郡
故氏白馬王國魏宣帝置廣業郡并白馬石
縣恭帝改白石為同谷縣開皇三年罷郡以縣屬康州大業屬鳳州貞觀
八年屬成州寰宇記武德元年復置成州貞觀元年以廢康州之同谷縣
屬來

乾元中寓居同谷縣作歌七首

有客有客字子美白頭亂一作短髮垂過一作兩耳歲拾橡栗

隨狙公天寒日暮山谷裏中原無書一作主歸不得手脚

凍皴皮肉死嗚呼一歌兮歌已一作獨哀悲風為我從天

一作東來

舊書關輔亂離穀食踊貴甫寓居成州橡栗列子柱厲叔居海上夏口
同谷縣自負薪采杞男女餓殍者數人則食菱芰冬日則食橡栗
後漢李恂歲荒徙居新安關下拾橡栗以自資注橡標實也華虞傳從惠
帝幸長安東軍來迎百官奔散遂流離鄠杜之間轉入南山中糧絕饑甚
拾橡實
狙公莊子狙公賦芋注
食之芋音序標子也

子謂長鏡

无奇

後山詩後山詩
諸魁注黃獨肉
白皮帶已注人
茅魁

長鏡長鏡白木柄我生託子以為命黃精一作獨無苗山
雪盛短衣數挽不掩脛此時與子空一作同歸來男呻女
吟四壁靜嗚呼二歌兮歌始放鄰里為我色惆悵

長鏡說文鏡也黃獨山谷曰陳藏器云黃獨遇霜雪枯無苗蓋蹲鴨

玉篇鑿也之類也作黃獨為是王彥輔塵史藥錄云黃精
止饑杜以窮冬采此奚必遷就黃獨耶又以山雪為春雪不知杜在同谷
未嘗涉春也夢弼曰公詩每用黃精不必作黃獨東坡詩亦讀此句為黃

精也也

有弟有弟在遠方一作各三人各瘦何人強生別展轉

不相見口塵暗天道路長東飛鴛鴦後鴉鵲安得送

我置汝旁嗚呼三歌兮歌三發汝歸何處收一作取兄骨

有弟趙使曰公四弟曰穎曰觀曰豐曰各瘦後漢趙孝弟禮為賊賊

占各散在他郡惟占從公入蜀鴛鴦子虛賦弋白鴛連鴛鴦陶隱居云野鴉鵲大

久餓羸瘦不鴉鵲鴉鵲大雁猶似家蒼鷹謂之鴉鵲鴉鵲大

羣晨雜鵝鶴只
注鵝鶴鵝鶴也

有妹有妹在鍾離良人早歿諸孤癡長淮浪高蛟龍
怒十年不見來何時一作扁舟欲往箭滿眼杳杳南國
多旌旗嗚呼四歌兮歌四奏林猿一作竹林浩然為我啼
清書

鍾離地理志濠州治鍾離縣春秋為鍾離子國竹林吳若本注蜀中鳥名西清詩活崇寧間有貢士自同谷來籠一鳥大如雀

色正青善鳴曰此竹林鳥也注曰此說未足為信猿多夜啼今啼清晝自有意義程大昌曰竹木非啼因其號風若啼故謂之啼何必有喙者而後能啼耶海錄竹林靜啼

四山多風溪水急寒雨一作颯颯枯樹一作濕黃蒿古城雲
不開白一作狐跳梁黃狐立我生何為在窮谷中夜起
坐萬感集嗚呼五歌兮歌正長魂招不來歸故鄉

公至同官正當雨
空時

姊夫未改此詩耳

霜就暮于官

是世望之當是良

今之兄官于鍾離

近周孝子妹望在

漢鍾離良能

南有龍兮在山湫古木籠從枝相樛木葉黃落龍正
蟄蝮虵東來水上遊我行怪此安一作敢出拔劍欲斬
且復休嗚呼六歌兮歌思遲一云怨溪壑為我迴春姿

吳若本注云此篇為明皇作也明皇以至德二載至自蜀居興慶宮謂之南內明年改元乾元時持盈公主往來官中李輔國常陰候其隙間之故

上元二年
帝遷西內

男兒生不成名身已老一作年饑走荒山道長安卿
相多少年富貴應須致身早山中儒生舊相識但話
宿昔傷懷抱嗚呼七歌兮悄終曲仰視皇天白日速

發同谷縣乾元二年十二月一日自隴右赴劔南紀行

賢有不黔突聖有不暖席況我饑愚人一作焉能尚安
宅始來茲山中休駕喜一作地僻奈何迫物累一歲四

拙公歸心是年

物又何問焉

日東天不博

林獲

翻里

四心

深竟

方曰

方曰

方曰

月藥同方十二月
即往成都別居
同公未及旬身以
有不暇安
時別處子當時同
谷以多取初來

如讀柳州諸小記

金水亭

行役忡忡去絕境杳杳更遠適停驂龍潭雲迴首白
一作崖石臨岐別數子握手淚再滴交情無舊深
一作雖無

願違仰戀林間翮

四行役

夏發華州冬離秦州十一月至成州十二月發同谷

用邨
情深知

木皮嶺

首路栗亭西尚想鳳皇村季冬携童一作稚辛苦赴蜀

門南登木皮嶺艱險不易論汗流被我體祈寒為之

暗遠岫一作爭輔佐千巖自崩奔始知五岳外別一作有

見他山尊仰干一作塞大明俯入裂厚坤再聞虎豹鬪

屢踟風水昏高有廢閣道摧折如短一作轅下有冬青

林石上走長根西崖特秀發煥若靈芝繁潤聚金碧
氣清無沙土痕憶觀崑崙圖一作目擊玄圃存對此欲
何適默傷垂老魂

木皮嶺

方輿勝覽木皮嶺在同谷郡東二十里河池縣西十里杜甫發同谷取路栗亭南入郡界歷當房村度木皮嶺由白水峽入蜀

廢閣道

水經注諸葛亮與兄瑾書曰其閣梁一頭入山腹其一頭立柱于水

即此黃巢之亂王鐸置關于此以遮秦隴路極險阻中今水大而急不得安柱此其窮極不可強也又云頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗相聞而已後諸葛亮死于五丈原魏延先退而焚之自後案修舊路者悉無復水中立柱選涉者浮梁振動無不搖心眩目也

白沙渡

畏途隨長江渡口下絕岸差池上舟楫杳窈入雲漢

天寒荒野外日暮中流半我馬向北嘶山猿飲相喚

水清石礪礪沙白灘漫漫迥一作然洗愁辛多病一疎

有曰蜀江
于秦州
長江
蜀中
舟中
雨
見
舟
向

四句則知少年
馬矣

方曰古十一月
此是上強弱月
口不負如山
程不到其地
此在渡水
千端而新
不介其矣
錢曰此種水
守邊程三日

散高壁抵嶽峯一作洪濤越凌亂臨風獨迴首攬轡復
三歎

白沙渡方輿勝覽白沙渡水會渡俱屬劔州按水經注續漢書曰虞詡流詡使燒石以水灌之石皆碎裂因鑄去焉詩云水清石礚礚當即此地也

水會渡一云水通為

山行有常程中夜尚未安微月沒已久崖傾路何難

大江動一作我前洶若溟渤寬篙師暗理楫歌笑輕波

瀾霜濃木石滑風急一作烈手足寒入舟已千憂陟嶽

仍萬盤迴一作眺一作積水一作外始知眾星乾遠遊令人

瘦衰疾慙加餐

水會渡水經注漢水又東南逕濁水城南又逕甘泉城南又東逕平洛城南又東入漢謂之會口漢水東南逕修道城南與修水合水

出入昆明則今
山回眺始知是

方曰向道新
結構牢萬壑欹疎林一作積陰帶奔濤寒日外淡泊長
馬同疲勞浮生有定分饑飽豈可逃歎息謂妻子我
何隨汝一作曹

總二原東北合漢漢水又東南于繁頭郡南與濁水合濁水又東逕武
城南故下辨縣治也繁頭城在興州長舉縣南三里下辨即今同谷縣
大江寰宇記嘉陵江去興州長舉縣南十里水經注漢水又陟嶽水
注漢水又東逕小城固南東歷上濤而逕于龍下伏石驚湍流屯激怒故
有上下二濤之名龍下地名也自白馬迄此則平川夾勢水豐壤沃利方
三蜀矣自此遡洄
從漢為山行之始

飛仙閣

土一作門山行窄微徑緣秋豪一云徑微棧雲闌干峻梯石

結構牢萬壑欹疎林一作積陰帶奔濤寒日外淡泊長

風中怒號歇鞍在地底始覺所歷高往來雜坐臥人

馬同疲勞浮生有定分饑飽豈可逃歎息謂妻子我

何隨汝一作曹

飛仙嶺方輿勝覽飛仙嶺在興州東三十里相傳徐佐卿化鶴踰泊之地故名飛仙上有關道百餘間即入蜀路又云飛仙閣在梁山

何事健... 于武不... 五君... 身可... 精... 壽...

方曰地... 國... 疏... 居... 時... 歸... 吾... 廬... 五... 盤... 龍... 門... 閣... 清... 江... 下... 龍... 門... 絕... 壁... 無... 尺... 土... 長... 風... 駕... 高... 浪... 浩... 浩... 自... 太...

梁山即大... 劍山也... 棧閣... 寰宇記斜谷路在梁州西北入斜谷路至鳳州界一百九十二間通志棧道在褒斜谷中飛仙閣即今武曲關北棧閣五十... 三間也總名連雲棧華陽國志諸葛亮相蜀鑿石架空為飛梁閣道

五盤雖云險山色佳有餘仰凌棧道... 細俯映江木... 疎地僻無網罟水清反多魚好鳥不妄飛野人半巢... 居喜見淳朴俗坦然心神舒東郊尚格鬪巨... 猾何... 時除故鄉有弟妹流落隨丘墟成都萬事好在... 豈若... 歸吾廬

五盤... 方輿勝覽五盤嶺屬利州岑參早上... 五盤詩平且驅駒馬曠然出五盤

龍門閣

清江下龍門絕壁無尺土長風駕高浪浩浩自太

古危途中縈盤... 仰望垂綫縷滑石歆誰鑿浮梁

鼻相拄目眩隕雜花頭風吹過雨... 百年不敢料

一墜那得取飽聞... 經瞿塘足見度大庾終身歷艱

險恐懼從此數

龍門閣

元和郡國志龍門山在利州綿谷縣東北八十二里出好鍾乳... 寰宇志亦名葱嶺山梁州記云葱嶺有石穴高數十丈其狀如... 門俗號為龍門方輿勝覽在綿谷縣馮幹田云其他閣道雖險然在山... 腰亦微有徑可以增置閣道惟此閣石壁斗立虛鑿石竅而架木其上此... 他處... 極險

石櫃閣

季冬... 日已長山晚半天赤蜀道多早花江間饒奇

石石櫃曾波上臨虛蕩高壁清暉回羣鷗暝色帶遠

客羈棲負幽意感歎向絕跡信甘孱懦嬰不獨凍餒

方曰... 石... 閣... 石... 櫃... 閣... 客... 羈... 棲... 負... 幽... 意... 感... 歎... 向... 絕... 跡... 信... 甘... 孱... 懦... 嬰... 不... 獨... 凍... 餒...

鎮在劍州東四十八里其山峭壁千丈下瞰絕澗飛閣以通行旅晉中興書曰李特入漢州至劍閣顧盼險阻歎曰劉禪有如此地而面縛于人豈不奴才也

鹿頭山

鹿頭何亭亭是日慰饑渴連山西南斷俯見千里豁

遊子出京華二云劍門不可越及茲險阻盡始喜原野

闊殊方昔三分霸氣曾間發天下今一家雲端失雙

闕悠然想揚馬繼起名碑兀有文一作令人傷何處埋

爾骨紆餘脂膏地慘澹豪俠窟仗鉞非老臣宣風豈

專達冀公柱石姿論道邦國活斯人亦何幸公鎮踰

歲月僕射裴

鹿頭山寰宇記鹿頭山自綿州羅江縣界迤邐入漢州德陽縣界雙闕蜀都賦內則議殿爵堂武義虎威宣化之闕崇禮之

闡華闕雙逸重門洞開冀公兩京平裴冕以功封冀國公乾元二年六月加御史大夫成都尹劍南西川節度使

成都府

翳翳桑榆日照我征衣裳我行山川異忽在天一方

但逢新人民未卜見故鄉大江東流去一作從游子去

日一作長曾城填華屋季冬樹木蒼喧然名都會吹簫

間一作笙簧信美無與適側身望川梁鳥雀夜各歸中

原杳茫茫初月出不高衆星尚爭光自古有羈旅我

何苦哀傷

曾城蜀都賦亞以少城接乎其西注少都會蜀都賦金城石郭兼市中區既麗且崇實號成

都漢武帝元鼎二年立成都十八門楊初月困學記聞初月出不高衆

雄賦都門二九左思曰關二九之通門初月星尚爭光謂肅宗初立盜

賊未息也胡文定通鑑舉要補遺序日轂冥濛衆星爭耀請本于此

方曰... 蜀都... 鹿頭山... 雙闕... 成都府... 曾城... 都會... 初月... 星尚...

二月物日燈上亭王山史刻

杜工部集卷之四

虞山蒙叟錢

謙益

箋註

古詩三十七首

初寓成都及至閬州作

石笋行

君不見益州城西門陌

一作街

上石笋雙高蹲古來

一作老又作遠

相傳是海眼苔蘚蝕

舊作食

盡波濤痕雨多

一作來

往往得瑟

瑟此事恍惚難明論恐是昔時卿相墓

一作塚

立石為表

今仍有惜哉俗態好蒙蔽亦如小臣媚至尊政化錯

迕失大體坐看傾危受厚恩嗟爾石笋擅虛名後來

未識猶駿奔安得壯士擲天外使人不疑見本根

石笋

後漢書方術傳公孫述時蜀武擔石折任文公曰噫西州智士死我乃當之太子賢注云武擔山在今益州成都縣北百二十步楊

雄蜀王本紀云武都丈夫化爲女子顏色美麗蓋山精也蜀王納以爲妃
 無幾物故乃發卒之武都擔土葬于成都郭中號曰武擔以石作鏡一枚
 表其墓華陽國志曰王哀念之遣五丁之武都擔土爲妃作冢蓋地數畝
 高七丈立石俗名各爲石笋今本華陽國志云蜀有五丁力士能移山舉
 萬鈞每王薨輒立大石長三丈重千鈞爲墓誌今石笋是也號曰笋里未
 有謠列但以五色爲王故其廟稱青黑赤黃白帝也梁益州記云石笋二
 在子城西門外寰宇記武擔山俗曰石笋在郭內州城西門之外大街中杜
 光庭石笋記成都子城西曰興義門金容坊有通衢百五十步有石二株
 挺然聳峭高丈餘圍八九尺陸游筆記石笋其狀與符不類 **海眼** 華陽
 乃纍纍數石成之所謂海眼亦非妄瑟瑟至今有得之者 **海眼** 風俗
 記曰蜀州之西有石笋焉天地之堆以鎮海眼動則洪濤大溢益州名畫
 記孟蜀廣政中令邸務丁晏入蜀請畫工李文才寫興義門兩雙石笋微
 其故實道士范德昭曰斯乃鸞叢啟國鎮蜀之碑中以鐵柱貫之下以橫
 石相連埋木地際上有文字言歲時豐儉兵革水火之事諸葛曾掘驗之
 眞珠樓基海 **瑟瑟** 西陽雜俎蜀石笋街夏中大雨往往得雜色小珠俗
 眼皆非也 **瑟瑟** 謂地當海眼莫知其故蜀僧惠凝曰前史說蜀少城
 飾以金壁珠翠桓温怒其太侈焚之今在此地或拾得小珠時有孔者得
 非是乎予開成中讀三國典畧梁大同中驟雨殿前有雜色珠梁武有喜
 色虞寄因上珠雨頌趙清獻蜀都事故石笋街眞珠樓基也昔有口人于
 此立大秦寺其門樓十間皆以眞珠翠碧貫之爲簾後摧毀墜地至今基
 脚在每大雨後人多拾得珠翠異物吳曾曰石笋非爲樓設而樓之建適
 當石笋附近耳西陽所云未必然也博雅瑟瑟碧珠也杜陽編有瑟瑟幕

其色輕明虛
 薄無與爲比

趙曰此詩作于上元元年是時李輔國雖
 間兩宮已擅權家祿故賦石笋以指譏之

石犀行

君不見秦時蜀太守刻石立作三犀牛 草堂本注云當作五犀牛 自

古雖有厭勝法天生江水向 須作 東流蜀人矜誇一千

載泛溢不近張儀樓今年灌口 注作 損戶口此事或恐

爲神羞終藉 草堂作 隄防出衆力高擁木石當清秋先

王作法皆正道詭怪何得叅人謀嗟爾三犀不經濟

缺訛只與長川逝但見元氣常 一作相 調和自免洪濤恣

凋瘵安得壯士 一作 提天綱再平水土犀奔 一作 茫

石犀 華陽國志秦孝文王以李水爲蜀守水作石犀五頭以壓水精穿石犀漢于江南命曰犀牛里水經注市橋下謂之石犀淵李水昔

作石犀五頭以壓木精後轉移犀牛二頭在府中一頭在市橋一頭沉之
于淵也實字記李膺記云市北有石犀李水所立陸游筆記石犀在廟之
東階下亦粗似一犀正如陝之鐵牛張儀樓華陽國志張儀築成都
耳一足不備以他石續之氣象其古儀樓周行旋走巫言依龜行處築之遂得堅立城西南樓百有餘尺名張
儀樓臨山瞰江李膺記張儀樓即宣明門樓也重閣複道跨陽城門灌
口元和郡國志灌口山在彭州導江縣西北二十六里灌口鎮城內有望帝祠西有
李水祠華陽國志李水至渝及縣見兩山對如闕因號天彭關髮鬚若見
神遂從水上立祠三所祭用三牲圭璧沈瀆漢與數使使祭之水乃壅江
作棚穿郫江檢江別支流雙過郫下**尸口**鵝曰舊書上元二年七月霖
以行舟船岷山膏腴綿絡為浸沃也當是其時**周察**海賦昔在帝媯臣唐之世天綱淳
趙曰此寓意于三犀指廟堂無經濟之人也

杜鵑行

君不見昔日蜀天子化作杜鵑似老鳥寄巢生子不
自啄羣鳥至今與哺雛雖同君臣有舊禮骨肉滿眼

身羈孤業工竄伏深樹裏四月五月偏號呼其聲哀
痛口流血所訴何事常區區爾豈摧殘始晉作發憤羞
帶羽翮傷形愚蒼天變化誰料得萬事反覆何所無
萬事反覆何所無豈憶當殿羣臣趨

杜鵑

華陽國志魚鳧王後有王曰杜宇教民務農一號杜主七國稱王
杜宇稱帝號曰望帝更名蒲卑自以為功德高諸王乃以褒斜為

前門熊耳靈關為後戶玉壘峨眉為城郭江潛綿絡為池澤以汶山為畜
牧南中為園苑會有水災其相開明决玉壘山以除水患帝遂委以政事
法堯舜禪受之義遂禪位于開明帝升西山隱焉時適二月子鵝鳥鳴故
蜀人悲子鵝鳥鳴也巴亦化其教而力農務迄今巴蜀民農時先祀杜主
君蜀都賦鳥生杜宇之魄劉注蜀記曰昔有人姓杜名宇王蜀號曰望帝
宇化俗說云宇化為子規子規鳥名也蜀人聞于規鳴皆曰望帝也成都
記望帝死其魂化為鳥名曰杜鵑亦曰子規**羈孤**上元元年七月上皇遷居西內高力士流
真觀上皇不憚因不如葦辟穀浸以成疾詩云骨肉滿眼身羈孤蓋謂此
也移仗之日上皇驚欲墜馬數四高力士躍馬騰聲曰五十年太平天子
李輔國汝舊臣不宜無禮又令輔國擁馬護侍至西內故曰雖同君臣有
舊禮蓋謂此也鮑照行路難曰愁思忽而至跨馬出北門舉頭四顧望但

見松柏荆棘鬱鬱中有一鳥名杜鵑言是古時蜀帝魂聲音哀苦鳴不息毛羽憔悴似人髮飛走樹間逐蟲蟻豈憶往日天子尊念此死生變化非常理心中惻愴不能言

贈蜀僧間丘師兄 太常博士均之孫

大師銅梁秀籍籍名家孫嗚呼先博士炳靈精氣奔

惟二云昔武皇后臨軒御乾坤多士盡儒冠墨客藹雲

屯當時上紫殿不獨卿相尊世傳間丘筆峻極逾一作

崑崙鳳藏丹霄暮一作龍去一作白水渾青熒雪嶺東碑

碣舊製存斯文散都邑高價越璵璠晚看作者意妙

絕與誰論吾祖詩冠古同年蒙主恩豫章夾日月歲

久空深根小子思疎闊豈能達詞門窮愁一作一揮淚

相遇即諸昆我住錦官城兄居祗樹園地近慰旅愁

正謂一詩

往來當丘樊天涯歇滯雨粳稻臥不翻漂然薄遊倦

始一作與道侶一作敦景晏步修廊而無車馬喧夜闌接

軟語一作夜言落月如金盆漠漠世界黑一作空驅驅爭奪

繁惟有摩尼珠可照濁水源

銅梁 蜀都賦外負銅梁于宕渠郡元和炳靈蜀都賦近則江漢 碑

碣 舊注東蜀牛頭山下有間丘均撰瑞聖寺磨崖碑嚴政書 同年 唐詩紀事謂審言以詩問丘均以

成都人間丘均亦以文章著稱景隆中為安樂公主所薦起家拜太常博士公主被誅均坐貶循州司倉卒有集十卷六朝以有韻者為文無韻者

為筆所謂間丘筆也豫章 服虔曰豫章大木也生七年乃可知 摩尼 翻譯名義摩尼或

紀事以筆為字誤矣 正云末尼即珠之總名也此云離垢此寶光淨不為垢穢所染九品云如摩尼寶若在水中隨作一色

泛溪

落景下高堂進舟泛迴溪誰謂築居小未盡喬木西

遠郊信荒僻秋色有餘凄練練峰上雪纖纖雲表霓
童戲左右岸戲左右罟弋畢提携翻倒荷芰亂指揮逕
路迷得魚已割一作鱗採藕不洗泥人情逐鮮美物賤
事已云暎吾村霽暝姿異舍雞亦棲蕭條欲何適出
處庶可齊衣上見新月霜中登故畦濁醪自初熟東
城多鼓鼙

練練

江淹麗色賦色練練而欲奪

題壁畫馬歌

韋偃畫 陳浩然草堂本 作題壁上章偃畫馬歌

韋侯別我有所適知我憐君一作渠畫無敵戲陳浩然 拈髭 本作試
筆掃驊騮歛見騏驎出東壁一匹齧草一匹嘶坐看
千里當霜蹄時危安得真致此與人同生亦同死

騏驎

戰國策王斗曰世多騏驎駮耳王之駮已脩矣

吳美在注陋甚叔高仍之何耶豈以其近而忽之耶

卷四第五頁注

騏驎乃是語病不然必有誤或作麒麟二字尤非甫好用騏驎字疑別有
出云驄馬行肯使騏驎地上 行贈李之文云贈登騏驎老

戲題畫山水圖歌

王宰畫宰丹青絕倫 一 本題字下有王宰二字

十日畫一水五日畫一石能事不受相促迫王宰始
肯留真跡壯哉崑崙方壺一作丈圖挂君高堂之素壁巴
陵洞庭日本東赤一作南岸水與銀河通中有雲氣隨飛

遠郊信荒僻秋色有餘凄練練峰上雪纖纖雲表霓
童戲左右岸云兒童戲左右罟弋畢提携翻倒荷菱亂指揮逕
路迷得魚已割一作鱗採藕不洗泥人情逐鮮美物賤
事已云睽吾村靄暝姿異舍雞亦棲蕭條欲何適出
處庶可齊衣上見新月霜中登故畦濁醪自初熟東
城多鼓鼙

練練江淹麗色賦色練練而欲奪

題壁畫馬歌

章偃畫 陳浩然草堂本 作題壁上章偃畫馬歌

韋侯別我有所適知我憐君一作渠畫無敵戲陳浩然本拈髻
筆掃驊騮歛見騏驎出東壁一匹齧草一匹嘶坐看
千里當霜蹄時危安得真致此與人同生亦同死

韋偃

吳若本注按張彥遠名畫記鸛章鑿子善小馬牛羊山原甫他詩皆云偃未知孰是甫與偃同時不應有誤疑畫記失傳東觀餘論韋鸞十馬後有李丞相吉甫題字真佳蹟也少陵有章偃畫馬詩偃當作鸞蓋傳寫之誤關中集名畫記皆作鸞又云張彥遠謂鸞善畫山原小馬牛羊今曹玉所藏本皆沛艾不特善小駟而已李將軍畫馬神勝形韓丞書馬形勝神鸞從容二人間第筆格差不及耳宋景玄名畫評章偃京兆人寓居于蜀善畫山水竹樹人物等思高格逸居閒常以越筆點簇鞍馬千變萬態或騰或倚或飲或驚或止或走或起或翹或跋其小者或頭一點或尾一抹山以墨幹水以手擦曲盡其妙宛然如真亦有圖騏驎之良畫銜勒之飾巧妙精奇韓幹之匹也騏驎吳若本字說文不載惟玉篇云馬黑脊不言良馬往見晁無咎云既掃驊騮乃見騏驎乃是語病不然必有誤或作麒麟二字尤非甫好用騏驎字疑別有出云騏驎馬行肯使騏驎地上行贈李之文云贈騏驎老

戲題畫山水圖歌

王宰畫宰丹青絕倫 一 本題字下有王宰二字

十日畫一水五日畫一石能事不受相促迫王宰始
肯留真跡壯哉崑崙方壺一作丈圖挂君高堂之素壁巴
陵洞庭日本東赤一作南岸水與銀河通中有雲氣隨飛

龍舟人漁子入浦叙山水盡亞一作洪濤風尤正遠勢古
莫比咫尺應須論一作行萬里焉得并州快剪刀剪取
吳松半江水

王宰

朱景玄唐朝名畫錄王宰家于西蜀貞元中韋令公以客禮待之
畫山水樹石出于象外景多曾于故席夔舍人廳事見一圖障臨
江雙樹一松一柏古藤紫繞上溢于空下着于水千枝萬葉交植屈曲分
布不雜或枯或榮或蔓或亞或直或倚葉疊千重枝分八面達土所珍凡
目難辨又于興善寺見畫四時屏風若移造化風候雲物八節四時于一
座之內妙之至極也故山水松石並可跡于妙上品名畫記王宰蜀中人
多畫蜀山玲瓏嵌空巉嵒峭嶒益州名畫記
王宰大曆中家于蜀川能畫山水意出象外
記曰荆江禹貢北江也春秋分朔輒
有大濤至江乘北激赤岸尤更迅猛赤岸七發凌赤岸筆扶
桑山謙之南徐州
歷代名畫記梁蕭贇曾于扇
上畫山水咫尺內萬里可知

題李尊師松樹障子歌

老夫清晨梳白頭玄都道士來相訪握髮二云呼兒延
入戶手提新畫青松障障子松林靜杳冥憑軒忽若

無丹青陰崖却承霜雪二云露幹偃蓋反走虬龍形老

夫平生好奇古對此興與精靈聚已知仙客意相親

更覺良工心獨苦松下丈人巾屨同偶坐似一作是商

山翁悵望一作聊歌紫芝曲時危慘澹來悲風

玄都

唐會要長安京城朱雀街有玄都觀長安志隋開
皇二年自長安故城徙通道觀于此改名玄都

戲為雙松圖歌

天下幾人畫古松一作畢宏已老韋偃少絕筆長風起

纖末滿堂動色嗟神妙兩株憐裂苔蘚皮屈鐵交錯

迴高枝白摧朽骨龍虎死黑入太陰雷雨垂松根胡

僧愁寂寞龐眉皓首無住著偏袒右肩露雙脚葉裏

松子僧前落韋侯韋侯數相見我有一匹好東二云絹

麒麟 陳書徐陵母臧氏嘗夢五色雲化而為鳳集左肩上也而誕陵焉寶誌上人者世稱其有道年數歲家人攜以候之寶誌手摩其頂曰天上石麒麟也

病柏

有柏生崇岡童童狀車一作青蓋偃蹇龍虎姿主當風雲會神明依正直故老多再拜豈知千年根中路顏色壞出非不得地蟠據亦高大歲寒忽無憑一作用日夜柯葉改一作碎丹鳳領九鷲哀鳴翔其外鴟鴞志意滿養子穿穴一作窟內容從何鄉來佇立久吁怪靜求元精一作無根理浩蕩難倚賴

丹鳳

古樂府鳳凰鳴啾啾一母將九鷲何承天云老嫗何等語何不云鳳凰將九子

病橘

石林云此詩亦為明皇而作

此詩亦為明皇而作

羣一作伊橘少生意雖多亦奚為惜哉結實小一作少酸澀如棠梨剖一作剖之盡蠹蟲一作蝕采掇爽其一作所宜紛然不適口豈只存其皮蕭蕭半死葉未忍一作忽別故枝玄冬霜雪積况乃迴風吹嘗聞蓬萊殿羅列瀟湘姿此物歲不稔玉食失一作少光輝寇盜尚憑陵當君減膳時汝病是天意吾論一作云愁罪有司憶昔南一作聞海使奔騰獻荔支百馬死山谷到今耆舊悲

南海

後漢和帝紀南海獻龍眼荔支十里一置五里一候奔騰險阻死者繼路時臨武長汝南唐羌縣接南海乃上書陳狀杜田曰唐所貢乃涪州荔支由子午道而往公借其事以諭也按貴妃嗜荔支涪與南海並進詳在解悶注中

枯樓

蜀門多樓一作併欄高者十八九其皮割剝甚雖眾亦易

朽徒布一作有如雲葉奇黃歲寒後交橫集斧斤凋喪先
蒲柳傷時苦軍乏一物官盡取嗟爾江漢人生成復
何有有同枯櫟木使我沈嘆久死者即已休生者何
能自守啾啾黃雀啁側見寒蓬走念爾形影乾一作枯形影
摧殘沒藜莠

枯櫟

梗枿枯崢嶸鄉黨皆莫記不知幾百歲慘慘無生意
上枝摩皇一作蒼天下根蟠厚地巨圍雷霆圻萬孔蟲蟻
萃凍雨落流膠衝風奪佳氣白鴿遂不來天鷄爲愁
思猶含棟梁具無復霄漢一作霽志良工古昔少識者出
涕淚種榆水中央成長何容易截承金露盤裊裊不

自畏

東雨

大司命使凍雨兮灑塵爾雅注今江東呼夏月暴雨爲凍雨

種榆

師曰榆生水中地卑而物賤今載以承露盤以柔脆

之物而勝此重任可不自畏乎石林云此詩當爲房次律而作

丈人山

自爲青城客不唾青城地爲愛丈人山丹梯近幽意
丈人祠西佳氣濃綠雲擬住最高峰掃除白髮黃精
在君看他時冰雪容

丈人山

寰宇記青城山在縣西北三十二里道書福地記云上有沒溺池有甘露芝草玉匱經曰黃帝破山通道編歷五岳封青城山

爲五岳丈人乃岳瀆之上司真仙之崇秩一月之內羣岳再朝六時灑泉以代晷漏一名赤城一名青城都一名天國山亦爲第五大洞寶仙九室之天對郡之西北在岷山之南羣峰掩映互爲連接靈仙所宅神異甚多黃帝刻石拜謁篆書猶存又有石日月像天師立青城治于其中杜光庭

青城山記岷山連峰接岫千里不絕青城乃第一峰也此山前號青城後曰大面山其實一耳七十二小洞應七十二候有八大洞應八節天倉諸峰屹然丈人祠輿地紀勝丈人觀在青城北二十里上清宮記云昔甯封先生棲于此巖之上黃帝師焉乃築壇拜甯君為五岳丈人不唾左傳不顧而唾智度論若入寺時當歌頌贊歎不唾僧地

百憂集行

憶年十五心尚孩健如黃犢走復來庭前八月梨棗熟一日上樹能千迴即今倏忽已五十一作即今年坐臥只多少行立強將笑語供主人悲見生涯百憂集入門依舊四壁空老妻觀我顏色同癡兒未知父子禮叫怒索飯啼門東

門東

漫叟詩話庖厨之門在東故曰啼門東非趨韻也

戲作花卿歌

吳若本注顯下此謂段于璋反東川李與走成都崔光遠討平之時事也崔大夫謂光遠于璋作此

璋字李侯疑即與營領東川以于璋亂出奔及平復得之鎮故云重有此節度也

成都猛將有花卿學語小兒知姓名用如快鷲風火生見賊唯多身始輕綿州副使著柘黃我卿掃除即日平子章一作璋鬪體血模糊手提擲還崔大夫李侯重有此節度人道我卿絕世一作代無既稱絕世無天子何不喚取守京都

上元二年四月梓州刺史段子璋反襲東川節度使李與于綿州自稱梁王改元黃龍以綿州為黃龍府置百官五月成都尹崔光遠率將花驚定攻拔綿州斬于璋高適傳西川牙將花驚定恃勇既誅于璋大掠東蜀天子怒光遠不能戢軍乃罷之以適代為成都尹吳若本注云李與領東川以于璋亂奔成都及平復得之鎮故曰重有此節度也山谷云花卿家在丹陵之東節鎮至今有英氣血食其鄉謝臯羽有花卿冢行云濕雲模糊埋秋空雨青沙白丹陵東

入奏行

贈西山觀察使竇侍御

Handwritten notes in cursive script, likely commentary or related text.

Handwritten notes in cursive script, likely commentary or related text.

寶侍御驥之子鳳之雛年未三十忠義俱骨鯁絕代

無炯如一段清冰出萬壑置在迎風寒露之玉壺

漿歸厨金盃凍洗滌煩熱足以寧君軀政一作用疎通

合典則戚聯豪貴耽文儒兵革未息人未蘇天子亦

念西南隅吐蕃憑陵氣頗麤寶氏檢察應時須樊作才

運糧繩橋壯士喜斬木火井窮猿呼八州刺史思一

戰三城守邊却可圖此行入奏計未小密奉聖旨恩

宜一作殊繡衣春當一云霄漢立綵服日向一云庭闈趨樊本

有開齊人所仰省郎京尹必俯拾一云江花未落還成都江

花未落還成都此句三選肯訪浣花老翁無一云為君酤

酒滿眼酤二句一云携酒肯訪浣與奴白飯馬青芻

傳任其...
羊...
...

入奏唐會要有劔南西山運糧使迎風寒露西都賦既新作于迎

繩橋元和郡國志繩橋在茂州汶川縣西北三里架大江水篋竿四條

火井蜀都賦火井沈煖于幽泉善注蜀郡有火井在臨

八州適奏云梓遂果蘭等八州分爲東川節度嘉陵北

三城又云自叩關黎雅界于南蠻也茂州而西經羗中至平戎數城界

如此處分八州之人願買勇復取三城不日矣夢

弼曰西山三城謂姚維松也皆當吐蕃之要衝

州刺史因出西山三城置戍論之請罷東川節度以一劔南西山不急之

城稍以減削疏奏不納公爲閬州王使君進論巴蜀安危表亦請罷東川

兵馬悉付西川與適議合而是時適在成都與公往來草堂則罷西川捐

疏託侍御入奏故題曰入奏行也兵革未息以下舉括入奏之語江花未

柵樹為風雨所拔歎柵一作高

倚江柵樹草堂前故老相傳二百年誅茅卜居總

為此五月髮鬢聞寒蟬東南飄風動地至江翻石走

流雲氣幹一作幹排雷雨猶力爭根斷泉源豈天意滄波

老樹性所愛浦上童童一青蓋野客頻留懼雪霜

行人不過聽竿籟虎倒龍顛委榛一作棘淚痕血點垂

胸臆我有新詩何處吟一作此無顏色

茅屋為秋風所破歌

八月秋高風怒號卷我屋上三重茅茅飛度江灑一作滿

江郊高者掛罨長林梢下者飄轉沉塘坳南村羣童

多自飽無事
直為茅屋
起茅草
多自飽無事

欺我老無力忍能對面為盜賊公然抱茅入竹去唇

焦口燥呼不得歸來倚杖自嘆息俄頃風定雲墨色

秋天漠漠向昏黑布衾多年冷似一作裂鐵驕兒惡臥踏

裏裂床床屋漏無乾處雨脚如麻未斷絕自經喪亂

少睡眠長夜沾濕何由徹安得廣厦千萬間大庇天

下寒士俱歡顏風雨不動安如山嗚呼何時眼前突

兀見此屋吾廬獨破受凍死一作意亦足

大雨

西蜀冬不雪春農尚噉噉上天回哀眷朱一作晴夏雲鬱

陶執熱乃沸鼎織紵成縵袍風雷颺萬里霈澤施蓬

趙曰二詩皆
上元二年作

多自飽無事
直為茅屋
起茅草
多自飽無事

萬敢辭茅葦漏已喜黍豆高三日無行人一作江聲
怒號流惡邑里清矧茲遠江臯荒庭步鶴鶴隱几望
波濤沉痾聚藥餌頓忘所進勞則知潤物功可以貸
不毛陰色靜龍畝勸耕自官曹四鄰未耜出一作出何
必吾家操

二江水經注成都縣有二江雙流郡下故楊子雲蜀都賦曰兩江瑯其前者也風俗通曰秦昭王使李冰爲蜀守開成都兩江溉田萬頃
襄宇記今謂流惡左傳有分治
內江外江以流其惡

溪漲

當時浣花橋溪水纔尺餘白石一作明可把水中有行
車秋夏忽泛溢豈惟一作入吾廬蛟龍亦狼狽况是鼈
與魚茲晨已半落歸路跬步疎馬嘶未敢動前有深

填淤青青屋東麻散亂床上書不意一作遠山雨夜來
復何如我遊都市間一作晚憇必村墟乃知久行客
終日思其居

填淤溝洫志來春桃花水盛必美溢有填淤反壤之害

戲贈友二首

元年建巳月郎有焦校書自誇足膂力能騎生馬駒一
朝被馬踏脣裂板齒無壯心不肯已欲得東擒□
元年建巳月官有王司直馬驚折左臂骨折面如墨
駑駘漫一作深陳浩然泥何不避雨色勸君休歎恨未必
不爲福

建巳月是月代字元復以建巳月爲四月詩云元年之巳月記其初也

遭田父泥飲美嚴中丞

步屣隨春風，村村自花柳。田翁逼社日，邀我嘗春酒。
酒酣誇新尹，畜眼未見有。迴頭指大男，渠是弓弩手。
名在飛騎籍，長番歲時久。前日放營農，辛苦救衰朽。
差科死則已，誓不舉家走。今年大作社，拾遺能住否。
叫婦開大瓶，盆中為吾取。感此氣揚揚，須知風化首。
語多雖雜亂，說尹終在口。朝來偶然出，自卯將及酉。
久客惜人情，如何拒鄰叟。高聲索果栗，欲起時被肘。
指揮過無禮，未覺村野醜。月出遮我留，仍嗔問升斗。

喜雨

春旱天地昏，日色赤如血。農事都已_未休，兵戈況騷

此贈田父詩法也

屑巴人困軍須，慟哭厚土熱。滄江夜來雨，真宰罪一
雪。穀根小_{一作少}蘇息，沴氣終不滅。何由見寧歲，解我憂
思結。崢嶸羣_{一作東}山雲，交會未斷絕。安得鞭雷公，滂沱

洗吳越

時開浙右
多盜賊

吳越

寶應元年八月台州賊表晁陷台州連陷浙東
廣德元年四月李光弼奏生擒表晁浙東盡平

漁陽

漁陽突騎猶精銳，赫赫雍王都_{一作前}。節制猛將飄然恐，
後時本朝不入非。高計祿山北，築雄武城舊。防敗走
歸其營，繫書請問燕耆舊。今日何須十萬兵。

突騎

吳漢亡命在漁陽說太守彭寵曰漁陽突騎天下所聞也光武克
邯鄲謂馬武曰吾得漁陽上谷突騎欲令將軍將之蔡邕幽州刺
史議曰幽州突騎天下精兵國家
瞻仗四方有事未嘗不辦于二州也

雍王

寶應元年九月魯王適
改封雍王十月詔天下

兵馬元帥雍王純河東方及諸道行營
回紇等兵十餘萬討之朝義會軍于陝州
外示禦寇內貯兵器養同羅及降奚契丹曳落河八千
餘為已子又畜單于護真戰馬數萬匹牛羊五萬餘頭
趙使曰公在梓聞雍王授鉞作此詩以諷河北諸將謂飄然而來猶恐後
時乃擁兵不入本朝豈高計乎末又舉祿山往事以戒之舊注以後事傳
會錯亂殊甚

黃河二首

黃河北岸海西軍椎鼓鳴鐘天下聞鐵馬長鳴不知作
數口人高鼻動成羣

雍王至陝州回紇可汗屯于河北與僚屬從數十騎往見之諸軍發陝州
僕固懷恩與回紇左殺為前鋒此所謂河北海西軍也舊注指吐蕃入寇
甚謬

黃河西岸是吾蜀欲須供給家無粟願驅眾

庶戴君王混一車書棄金玉

趙使曰此黠勤人之困而願君王之無侈如云不賣金玉之義

天邊行

天邊老人歸未得日暮東臨大江哭隴右河源不種
田騎羗兵入巴蜀洪濤滔天風拔木前飛禿鶯後
鴻鵠九度附書向洛陽十年骨肉無消息

鶴曰至德二載吐蕃侵取廓岷等州及河源莫門軍寶應元年陷臨洮
取秦成渭等州此云隴右河源不種田則河隴尚未盡失至廣德元年始
盡取隴右之地也

大麥行

大麥乾枯小麥黃婦女行泣夫走藏東至集壁西
梁洋問誰腰鎌與羗豈無蜀兵三千人
領辛苦江山長安得如鳥有羽翅託身白雲還故鄉

吳若本注云後漢桓帝時童謡小麥青
大麥枯誰當穫者始此詩源流出此
建卯月羌渾奴刺冠梁州建辰月党項
奴刺冠洋州此詩當是實應元年作

苦戰行

苦戰身死馬將軍自云伏波之子孫干戈未定失壯

士使我歎恨傷精魂去年江南英華作南行討狂賊臨江把

臂難再得別時孤雲今不飛時獨看雲淚橫臆

馬將軍馬將軍舊注指馬麟大謬麟以大曆十二年卒也遂州在涪江少南故曰江南蓋必死于段子璋之亂者

去秋行

去秋涪江木落時臂槍一作走馬誰家兒到今不知白

骨處部曲有去皆無歸遂州城中漢節在遂州城外

巴人稀戰場冤魂每夜哭空令野營猛士悲

漢節鮑欽止曰上元二年段子璋反遂州刺史嗣瑩王巨修屬郡禮出迎子璋殺之故云遂州城中漢節在甚傷之也

述古三首

赤驥頓長纓非無萬里姿悲鳴淚至地為問馭者誰

鳳凰從東一作天來何意復高飛竹花不結實念子忍朝

饑古時君臣合可以物理推賢人識定分進退一作用固

一作其宜

市人日中集於利競錐刀置膏烈火上哀哀自煎熬

農人望歲稔相率除蓬蒿所務穀一作農為本邪羸無乃

勞舜舉十六相身尊道何高秦時任商鞅法令如牛

毛

漢光得天下祚永一有歸一生高祖聖功自蕭曹來

比

比

後漢論贊
之高熱
得存中
此古自
得存中

經綸中興業何小
加長六
鄧勳濟時信良哉
耿賈亦宗臣羽翼共徘徊
休運終四百圖畫在雲臺
四百
後漢書獻帝贊終我四百永作虞賓

杜工部集卷之四

唐昭宗八年己巳閏杜毅
對第九本
是年七月
四月

李振宜滄葦氏校

己巳十二月朔日



錢本居士曰打魚

二詩以日分上下

上篇外打魚下篇

則食魚

會動魚

楚陸

神

同

杜工部集卷之五

虞山蒙叟錢謙益

謙益

雙註

古詩五十六首

居東川再至蘭州復還成都作

觀打魚歌

綿州江水之

一作水

東津魴魚鱗鱗色勝銀漁人漾舟沉

大網截江一擁數百鱗衆魚常才盡却棄赤鯉騰出

如有神潛龍無聲老蛟怒迴風颯颯吹沙塵養子

左右揮霜刀繪飛金盤白雪高徐州禿尾不足憶

惜一作

漢陰槎頭遠遁逃魴魚肥美知第一既飽歡娛亦蕭

瑟君不見朝來割素髻咫尺波濤永相失

綿州

寰宇記漢為涪縣屬昔虞郡即涪水之所經隋開皇五年改涪州為綿州以綿水為界水西出綿竹縣又與瀾水合亦謂

北集卷五

之郟江也又言是洛水洛水又下里古今注兗州人謂赤鯉為赤鱗魚
南運洛縣故城南廣漢郡治也 亦名陽雜祖國朝律取得鯉魚即宜放
仍不得喫號赤鯉公賣者決六十杜實大業拾遺錄梁郡清冷水有大魚
似鯉頭一角長尺餘鱗正赤從水出入橫濱進流西北十餘里入通濟渠
皆謂赤龍大鯉從淵而 禿尾 詩義疏鯉似魴而大頭魚之不美者故里
出此亦唐祚將興之兆 語曰買魚得鯉不如啖茹徐州謂之鯉或
謂之鱗始所謂 槎頭 襄陽耆舊傳峴山下漢水中出鯉魚肥美常禁人
徐州禿尾也 採捕以槎斷水謂之槎頭編宋張敬兒為刺史齊
高帝求此魚敬兒作輶輪船置魚而獻曰奉槎頭縮項鯉魚一千六百頭
夢弼曰孫炎釋爾雅積柴木水中養魚曰槎襄陽俗謂鯉為槎頭言積柴
木槎枒 然也 魴魚 詩義疏遼東梁水魴特肥而厚尤美于中國魴故其鄉語
牛素髻 西征賦華魴曜 鱗素鯉揚髻

又觀打魚

蒼江漁子清晨集設網提綱萬一作魚急能者操舟疾
若風撐突波濤挺義入小魚脫漏不可記一作半死半
生猶戢戢大魚傷損皆垂頭屈強泥沙一作有時立東

津觀魚已再來主人罷鱸還傾盃日暮蛟龍收窟穴
山根鱸鮓隨雲雷干戈兵革鬪未止二云干戈格鳳凰麒

麟安在哉吾徒口為縱此樂暴殄天物聖所哀

挺義 西征賦垂餌出入挺義來往注義取 山根 東京賦王鮪岫居山
魚義也西京賦曰以篋之所攬捕 有穴曰岫其穴在河

南小平山故有山根之句古今注 鯉之大者曰鱸鱸之大者曰鮓

越王樓歌

綿州州府何磊落顯慶年中越王作孤城西北起高
樓碧瓦朱甍照城郭樓下長江百丈清山頭落日半

輪明君王舊跡今人賞轉見千秋萬古情

越王樓

綿州圖經在綿州城外西北有臺高百尺上有樓下瞰州城唐
顯慶中太宗子越王貞為綿州刺史日建李儉詩越王曾牧劔

南州因向城隅建此樓橫玉遠開千嶠雪晴雷
一江流貞刺綿州本傳不載蓋史闕也

石州子王相
軒冕後人相
亭對一臨

空曰傳無
棟瓦瓦瓦

千下風白
新新

李信... 遠... 下... 白... 中... 作... 詩... 何...

鏡... 白... 魚... 垂... 額... 州... 於... 磨... 磨... 角... 角... 如... 如...

左綿公館清江濱海棕一株高入雲龍鱗犀甲相錯
落蒼稜白皮十抱文自一作是眾木亂紛紛海棕焉知
身出羣移栽北辰不可得時有西域口僧識

左綿蜀都賦于東則左綿巴中百濮所充舊注綿州涪水所經涪居其右綿居其左故曰左綿海棕唐子西將家遊治平院詩

云江邊勝事畧尋遍不見海棕高入雲注云卽老杜所云東津者蓋館與棕皆在涪江之東津也陸放翁云老杜在左綿所賦海棕今已不存宋子京益都方物海樓贊樓皆帶皮此獨自餘贊葉于顛纛首披散秋華而實其值則四千注云大抵樓類然不皮而餘葉叢于杪至秋乃實似棟子

姜楚公畫角鷹歌

楚公畫鷹鷹戴角殺氣森森一作到幽朔觀者貪愁舊作
掣臂一作飛畫師不是無心學此鷹寫真在左綿却嗟
真骨遂虛傳梁間燕雀休驚怕亦未搏空上九天

楚公名畫記姜皎善畫鷹鳥玄宗在藩爲尚衣奉御卽位累官至太常卿封楚國公陸務觀云畫鷹在綿州錄參廳

相從歌贈嚴二別駕駕相逢歌

我行入東川十步一迴首成都亂罷氣蕭颯一作涔

花草堂亦何有梓中一作豪俊一作大者誰本州從事知

名久把臂開樽飲我酒酒酣擊劍蛟龍吼烏帽拂塵

青螺一作粟紫衣將炙緋衣走銅盤燒蠟光一作吐日夜

如何其初促膝黃昏始扣主人門誰謂俄頃一作膠在

漆萬事盡付形骸外百年未見及歡娛畢神傾意豁

真佳士久客多憂今愈疾高視乾坤又可一作愁一軀

交態同一作悠悠垂老遇君未恨晚似君須向古人求

陳浩然本及草堂諸本題下並注云時方經崔旰之亂吳若本無之鶴曰崔旰之亂在云泰元年公已次雲安此詩當是寶應元年避徐知道之亂

往梓州作也題下七字乃注家妄添而後東川元和郡國志梓州今為東川節度使理所青螺粟趙曰青螺粟帽之紋也

光祿坂行

山行落日下絕壁西望千山萬山一作水赤樹枝有鳥亂

鳴一作棲時暝色無人獨歸客馬驚不憂深谷墜草動只

怕長弓射安得更似開元中道路即今多二云擁隔

光祿坂舊注在梓州銅山縣長弓吳若本注云白日賊多翻是長弓子弟

鶴曰崔寧傳云寶應初蜀中亂山賊擁絕道路代宗憂之此詩乃寶應元年作

冬到金華山觀因得故拾遺陳公學堂遺跡

涪右眾山內金華紫崔嵬上有蔚藍天垂光抱瓊臺

繫舟接絕壁杖策窮縈回四顧俯層巔淡然川谷開

雪嶺日色一作光死霜鴻有餘哀焚香玉女跪霧裏仙人

來陳公讀書堂石柱久青苔悲風為我起激烈傷雄

才

山觀輿地紀勝陳拾遺書堂在射洪縣北金華山大曆中東川節度使李叔明為立旌德碑于金華山讀書堂今在玉京觀之後有唐劉

蛻詩盧藏用祭文涪右元和郡國志涪江水西者自鄰縣界流入在射洪縣東一百步縣有梓潼水與涪江合流水經涪水南至小廣

魏與梓義理解也杜詩云猶木有害韓子蒼乃云水色天光共蔚蔚藍度人經鬱藍玉明天陸放翁云蔚藍乃隱語天名非可以

藍直謂天水之色俱如藍耳雪嶺寰宇記懸巖在射洪縣南十五里遠望懸巖皎如白雪玉女

恐又因老杜而失之者也曹植遠游詩靈輿戴方丈神物儼

陳拾遺故宅

拾遺平昔居大屋一作宅尚脩椽悠揚一作悠悠荒山日慘淡一作崔翠

故園一作國烟位下曷足傷所貴者聖賢有才繼騷雅哲

匠不比肩公生楊馬後名與日月懸同遊英俊人多
秉輔佐權彥昭超一作趙玉價郭振一作震起通泉到今素壁
滑洒翰銀鈎連盛事會一時此堂豈千年終古立一作占
忠義感遇有遺編

舊書陳子昂家世豪富子昂獨苦節讀書為感遇詩三十首王適見而驚曰此子必為天下文宗矣高宗崩詣闕上書自稱梓州射洪縣草莽愚臣子昂則天召見拜麟臺正字再轉右拾遺彥昭趙彥昭少以文詞名中宗時累遷中書侍郎注曰中宗時彥昭以權幸得相唐史彥昭傳不載入蜀事鶴曰元振尉通泉在梓州東南一百三十里而彥昭與元振同業太學故宜同游

謁文公上方

野寺隱喬木山僧高下居石門日色異絳氣橫扶疎
窈音作育窕入風磴長蘿紛卷舒庭前猛虎卧遂得文公
廬俯視萬家邑烟塵對階除吾師雨花外不下十年

餘長者自布金禪龕只晏如大一作火珠脫玷翳白月一作日
當空虛甫也南北人蕪蔓少耘鋤久遭詩酒汚何事
黍簪裾王侯與螻蟻同盡隨丘墟願聞第一義迴向
心地初金篦刮眼膜價重百車渠無生有汲引茲理
儻吹嘘

奉贈射洪李四丈明甫

丈人屋上烏人好烏亦好人生意氣豁不在相逢早
南京亂初定所向邑一作色枯槁遊子無根株茅齋付秋
草東征下月峽挂席窮海島萬里須十金妻孥未相
保蒼茫風塵際踏蹬騏驎老志士懷感傷心胸已傾
倒

屋上烏

毛詩傳富人之屋烏所集也尚書大傳武王登夏臺以臨殷民周公曰愛其人者愛其屋上之烏惜其人者惜其備骨孔叢子

亦云愛屋及烏

早發射洪縣南途中作

將老憂貧竇筋力豈能及征途乃一作復侵星得使諸

病入鄙人寡道氣在困無獨立傲裝逐徒旅達曙凌

險澁寒日出霧遲清江轉山急僕夫行不進駑馬若

維繫汀洲稍疎散風景開快二云悒空慰所尚懷終非

曩遊集衰顏偶一破勝事難屢二云挹茫然阮籍途更

洒楊朱泣

傲裝

思玄賦簡元辰而傲裝注傲始也

通泉驛南去通泉縣十五里山水作

方曰老人多憂... 不若今... 乃老... 早... 玩... 又自... 蘇... 謝... 向... 得... 西... 信... 寄

溪行衣自濕亭午氣始散冬溫蚊蚋在一作集人遠鳧鴨

亂登頓生曾陰欹傾出高岸驛樓衰柳側縣郭輕烟

畔一川何綺麗盡目一作日窮壯觀山色遠寂寞江光夕

滋漫傷一作知時愧孔父去國同王粲我生苦飄零所歷

有嗟歎

通泉

寰宇志通泉縣故西宕渠郡湧泉縣地名黃潄川隋置通泉縣通泉山在縣西北二十里東臨涪江壁絕二百餘丈水從山頂湧出

下注亭午

天台賦羲和亭午纂要日在午曰亭午

過郭代公故宅

豪俊初未遇其跡或脫畧代公尉通泉放意何自若

及夫登袞冕直氣森噴薄一本此下有精魄凜磊落見異人

豈伊常情度定策神龍後宮中翕清廓俄頃辨尊親

郭代公... 指揮存顧託羣公有

指揮存顧託羣公有一作慚色王室無削弱迴出名臣
上丹青照臺閣我行得遺跡一作池館皆疏鑿壯公臨
事斷顧步涕橫落草堂本精魄凜如高咏寶劍篇神交付
冥漠

郭代公

張說撰行狀云公少儻廓落有大志十六入太學與薛稷趙

尉落拓不拘小節常鑄錢掠良人財以濟四方海內同聲合氣有至千萬

者則天聞其名驛徵引見語至夜甚奇之問蜀川之蹟對而不隱令錄舊
文乃上古劍歌則天覽而佳之令寫數十本遍賜學士先天二年知政事
太平公主竇懷貞潛結兇黨謀廢皇帝睿宗猶豫不決諸相皆阿諛順旨
惟公廷爭不受詔及舉兵誅懷貞等宮城大亂睿宗步肅章門觀變諸相
皆竄外省公獨登奉天門樓躬侍睿宗聞東宮兵至將欲投于樓下公親
扶聖躬敦勸乃止及上即位宿中書
十四日獨知政事下詔封代國公

笑曰按代公定策在先天二年而杜詩云定策神龍後蓋太平安樂二公
主及韋后用事俱在神龍二年故云神龍後也吳若本注云明皇與劉幽
求平韋庶人之亂正在神龍後元振常有功其間而史失之微此詩無以
見不知元振為宗楚客等所嫉出之安西幾為所陷楚客等被誅始得徵

還何從與平韋后之亂此
泥詩而不考古之過也

觀薛稷少保書畫壁

少保有古風得之陝郊篇惜哉功名忤但見書畫傳
我游梓州東遺跡涪江邊畫藏青蓮界書入金榜懸
仰看垂露姿不崩亦不騫鬱鬱三大字蛟龍岌相纏
又揮西方變發地扶屋椽慘淡壁飛動到今色未填
此行疊壯觀郭薛俱才賢不知百載後誰復來通泉

張彥遠名畫記薛稷字嗣通河東汾陰人多才藻工書畫外祖魏文貞公
富有書畫多虞褚手寫表疏稷鏡意撫學窮年忘倦官至銀青光祿大夫

太子少保封晉國公寶懷貞累之年六十九朱景玄各畫錄薛稷天后朝
位至宰輔學書師褚河南時稱買褚得薛不失其節畫蹤如閣立本曾旅
游新安郡遇李白因相留請書永安寺額兼畫西方佛一壁筆力瀟灑風
姿逸秀曹張之匹也二跡之妙李翰林題讚見在張燕公豫州判魏君碑
公諱叔瑜考太師鄭文貞公公善于草隸妙絕時人以筆意傳次于華及
甥河東薛稷世稱前有虞褚後有薛魏金壺記呂總曰薛稷書如風驚苑

郭代公... 指揮存顧託羣公有

花雪惹山栢輿地紀勝薛稷書慧普寺三字
方徑三尺筆畫雄健在通泉壽聖寺聚古堂

垂露

金壺記漢曹喜字仲則工篆隸
變懸針垂露之法後世不易

通泉

夢弼曰趙彥昭傳云與
郭元振薛稷善郭傳云

薛舊為同舍後又會于通泉也

通泉縣署屋壁後薛少保畫鶴

薛公十一鶴皆寫青田真畫色久欲盡蒼然猶出塵

低昂各有意磊落如長人佳此志氣遠豈惟粉墨新

萬里不以力羣遊森會神威遲白鳳態非是倉鷓鄰

高堂未傾覆常一作幸得慰嘉賓曝露牆壁外終嗟風雨

頻赤霄有真骨耻飲洿池津冥冥任所往脫畧誰能

名畫記稷尤善花鳥人物雜畫畫鶴知名屏風六扇鶴樣自稷始也各畫
錄今秘書省有稷畫鶴時號一絕又蜀郡亦有鶴并佛像菩薩青牛等傳

于世並居神品封氏見聞記今尚書省考功員外郎廳有稷畫鶴宋之問
為讚工部尚書廳有稷畫樹石東京尚書坊岐王宅亦有稷畫鶴皆稱精
絕米芾有題所得
蘇氏薛稷二鶴詩
青田晉永嘉郡記曰有沐溪去青田九里此中有雙
耳精白可愛
多云神所養赤霄七命掛歸翮
于赤霄之表

陪王侍御同登東山最高頂宴姚通泉晚携酒
泛江

姚公美政誰與儔不減昔時陳太丘邑中上客有柱

史多暇日陪驄馬游東山高頂羅珍羞下顧城郭銷

我憂清江白日落欲盡復携美人登綵舟笛聲憤怨

哀中流妙舞逶迤夜未休燈前往往大魚出聽曲

低昂如有求三更風起寒浪湧取樂喧呼覺船重滿

空星河光破碎四座賓客色不動請公臨深一作江莫相

違迴船罷酒上馬歸人生歡會豈有極無使霜過一作露
霑人衣

春日戲題惱郝使君兄

使君意一作氣凌青霄憶昨歡娛常見招細馬時鳴金

驥裏佳人屢出董嬌饒東流江水西飛鷺可惜春光

不相見願携王趙兩紅顏再騁肌膚如素練通泉百

里近梓州請一作公一來開我愁舞處重看花滿面尊

前還有錦纏頭

董嬌饒 王臺新詠宋子侯有董嬌饒詩毛見韻 纏頭 太真外傳上戲

日幸得供養夫人請一纏頭唐書魚朝恩出錦三匹羅五匹綾一百匹 為子儀纏頭之費御覽云舊俗賞歌舞人錦綵置之頭上謂之纏頭宴享 加恩借 以為詞

方曰... 佳... 眉... 意... 玄... 竟... 勿... 沐... 言... 荆...

短歌行

王郎酒酣拔劍斫地歌莫哀我能拔爾抑塞磊落之

奇才豫樟翻風白日動鯨魚跋浪滄溟開且脫佩劍

休徘徊西得諸侯棹錦水欲向何門跋一作珠履仲宣

樓頭春色一作深青眼高歌望吾子眼中之人吾老矣

王司直贈友詩官有玉 司直即其人也仲宣樓方輿勝覽在荆州府城東 南開後梁時高季興建吾子

短歌行

前者途中一相見人事經年記君面後生相動一作何

寂寥君有長才不貧賤君今起柁春江流余亦沙邊

具小舟幸為達書賢府主江花未盡會江樓

送邢錄事歸合州因寄蘇使 君 草堂本作卬州錄事

江樓

方輿紀勝在合州州治之前釣魚山學士山巫山橫其前下臨漢水

陪章留後惠義寺餞嘉州崔都督赴州

中軍待上客令肅事有恒前驅入寶地祖帳飄金繩

南陌一作伯既留歡茲山亦深登清聞樹杪磬遠謁雲端

僧迴策匪新岸一作崖所攀仍舊藤耳激洞門聽目存寒

谷冰出塵闕軌躅畢景遺炎蒸永願坐長夏將衰棲

大乘羈旅惜宴會艱難懷友朋勞生共幾何離恨兼

相仍

金繩

法華經國名離垢琉璃為地有八交道黃金為繩

將適吳楚留別章使君留後兼幕府諸公得柳

字

我一作甫來入蜀門歲月亦已久豈唯長兒童自覺成老

醜常恐性坦率失身為杯酒近辭痛飲徒折節萬夫

一作人後昔如一作若縱壑魚今如喪家狗既無遊方戀行止

復何有相逢半新故取別隨薄厚不意青草湖扁舟

落吾手眷眷章梓州開筵俯高柳樓前出騎馬帳下

羅賓友健兒簸紅旗此樂一作幾或一作難朽日車隱崑崙鳥

雀噪戶牖波濤未足畏一作慰三峽徒雷吼所憂盜賊多

重見衣冠走中原消息斷黃屋今安否終作適荆蠻

安排用莊叟隨雲拜東皇挂席上南斗有使即寄書

無使長廻首

青草湖

荆州記巴陵南有青草湖周廻百里日月出沒其中湖南有青草山故因以為名一名洞庭湖南遷錄洞庭湖西岸有沙洲堆

阜隆起卽青苴廟下一湖之內中有此東皇隋志曰荆州尤重祠祀屈
洲南名青草北名洞庭所謂重湖也原製九歌蓋由此也五臣
曰太乙星名天之尊神祠在楚東以配東帝故曰東皇

山寺得開字章
留後同遊

野寺根一作石壁諸龕遍崔嵬前佛不復辨百身一莓

苔雖一作有古殿存世尊亦塵埃如聞龍象泣足令信

者哀使君騎紫馬捧擁從西來樹羽靜千里臨江久

徘徊山僧衣藍縷告訴棟梁摧公爲顧一作賓徒荆作從一

咄嗟檀施開吾知多羅樹却倚蓮華臺諸天必歡喜

鬼物無嫌猜以茲撫士卒孰曰非周才窮子失淨處

高人憂禍胎歲晏風破肉荒林寒可迴思量入一作道

苦自晒同嬰孩

多羅西陽雜俎貝多出摩伽陀國長六七丈經冬不凋此樹有三種一

者多羅婆力貝多二者多黎婆力貝多三者都闍婆力貝多多
羅多黎漢翻爲葉貝多婆力者漢言葉樹也西域經書用此三種皮葉
若能保護亦得五六百年翻譯名義舊名貝多此翻岸形如此方樓樹極
高長八九十尺有人云一多羅樹高七仞西域記云南印建那補羅國北
不遠有多羅樹林三十餘里其葉長廣其色光潤諸國書寫莫不採用

窮子見法
華經

樓拂子

樓拂且薄陋豈知身効能不堪代白羽有足除蒼一作

蠅熒熒金錯刀擢擢朱絲繩非獨顏色好亦用一作顧

盼稱吾老抱疾病家貧卧炎蒸唾膚倦撲滅賴爾甘

服膺物微世競棄義在誰肯徵三歲清秋至未敢闕

緘滕

金錯文選四愁詩美人贈我金錯刀善注續漢書曰佩刀諸侯王黃金
錯環謝承後漢書詔賜應奉金錯把刀前漢志新室更造契刀錯

酷似太白

刀錯刀以黃金錯其文一刀直五千此云鑿金錯刀謂佩刀也對雪詩云金錯囊徒罄謂錢刀也虎牙行云金錯旌竿滿雲直謂以黃金錯鏤旗竿也蓋古人以金錯器皆謂之金錯
清秋張九齡白羽扇賦縱秋氣之務奪終感恩于篋中此詩落句亦九齡之意而云不堪代白羽其託喻深厚可諷

桃竹杖引贈章留後

江心一作上蟠石生桃竹蒼波噴浸尺度足斬根削皮如紫玉江妃水仙惜不得梓橦使君一作君開一束滿堂賓客皆歎息憐我老病贈兩莖出入爪甲鏗有聲老夫復欲東南征乘濤鼓柁一作棹白帝城路幽必為鬼神奪一作拔拔一作杖劍或與蛟龍爭重為告曰杖兮杖兮爾之生也甚正直慎勿見水踴躍學變化為龍使我不得爾之扶持滅跡于君山湖上之青峰噫風塵瀕洞兮豺虎

咬人忽失雙杖兮吾將曷從

桃竹蜀都賦靈壽桃枝注曰桃枝竹屬也出蟄江縣可以為杖元和郡國志合州銅梁山出桃枝竹東坡跋桃枝杖引後桃竹葉如樓身如竹密節而實中屏理瘦骨蓋天成拄杖也嶺外人多種此而不知其為桃竹流傳四方視其端有眼者蓋自東坡出也又書柳子厚詩云盛時一失貴反賤桃笙葵扇安可常偶閱方言簞末魏之間謂之笙乃悟桃笙以桃竹為簞也梁簡文帝答南平王餉舞簞書云五離九折出桃枝之翠笋乃謂桃枝竹簞也郭璞有桃杖贊桃竹出巴渝間子美有桃竹歌江妃水仙江賦馮□倚浪以傲睨江妃含嚙而綿眇王逸楚詞水仙人

寄題江外草堂梓州作寄成都故居

我生性放誕難欲逃自然嗜酒愛風一作修竹卜居必一作此林泉遭亂到蜀江卧病遣一作遺所便誅茅初一畝廣地方一作必連延經營上元始斷手寶應年敢謀土木麗自覺面勢堅一作賢臺亭一作亭臺隨高下敞豁當清川雖一作惟有會

心侶數能同釣船干戈未偃息安得酣歌眠蛟龍無
定窟黃鵠摩蒼天古來達士志一作賢寧受外物牽顧
惟魯鈍姿豈識悔吝先偶携老妻去慘澹凌風烟事
跡無固必幽貞媿雙全尚念四小松蔓草易一作拘纏
霜骨不甚長永為鄰里憐

草堂舊書甫於成都浣花里種竹植樹結廬枕江縱酒嘯咏曹注公從
同谷入蜀卜居成都成都亂遂走梓州今于梓州懷思草堂作是
詩寄題公以乾元元年冬末至成都明年上元元年卜築
草堂又二年寶應元年草堂成此詩當是廣德元年作

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三一作
十載人間又見真乘黃曾貌先帝照夜白龍池十日
飛霹靂內府殷紅馬腦盃一作婕妤傳詔才人索盃賜

方曰通鑑初曹將軍
畫鞍馬神妙獨數江都王
將軍得名三
十載人間又見真
乘黃曾貌先帝照
夜白龍池十日
飛霹靂內府殷紅
馬腦盃

將軍拜舞歸輕統細綺相追飛一作貴戚權門得筆跡
始覺屏障生光輝昔日太宗拳毛騮近時郭家師子
花今之新一作圖有二馬復令識者久歎嗟此皆騎戰
一敵萬縞素漠漠開風沙其餘七匹亦殊絕迥若寒
空動烟雪霜蹄蹴踏長楸間馬官廝養森成列可憐
九馬爭神駿顧視清高氣深穩借問苦心愛者誰後
有韋諷前支遁憶昔巡幸新豐宮翠華拂天來向東
騰驤磊落三萬匹皆與此圖筋骨同自從獻寶朝河
宗無復射蛟江水中君不見金粟堆前松柏裏龍媒
去盡烏呼風

曹霸名畫記曹霸魏曹髦之後髦畫稱于魏代霸在開元中
已得名天寶末每詔畫御馬及功臣官至左武衛將軍江都王

西曹曹霸
畫鞍馬神妙
獨數江都王
將軍得名三
十載人間又見
真乘黃曾貌先
帝照夜白龍池
十日飛霹靂內
府殷紅馬腦盃

曹霸
畫鞍馬神妙
獨數江都王
將軍得名三
十載人間又見
真乘黃曾貌先
帝照夜白龍池
十日飛霹靂內
府殷紅馬腦盃

名畫記江都王緒霍王元軌之子太宗皇帝猶子也多才藝善書畫鞍馬擅名垂拱中官至金州刺史唐朝名畫錄江都王善畫雀驪驢子應制明皇游府十九瑞應

真乘黃 穆天子傳伯天皆致河典乃乘渠黃之乘圖實造神極妙 為天子先以極西土董道畫跋曹霸畫馬與當時人絕跡其程度似不可得而尋也若其以形似求者亦馬也不過類真焉耳乘黃其狀如狐背上有角鬮之馬未常如此特論其神駿語大而夸不知其

照夜白 明皇雜錄上所乘馬有玉花驄照夜白開元記形狀異也 照夜白封太山回今陳閩圖之畫鑑曹霸人馬圖紅衣美髯奚官牽夜白

龍池 唐六典注曰興慶宮今上潛龍舊宅也駢綠衣闈官牽照夜白 宅東有舊井忽涌為小池常有雲氣或黃龍出其中景雲中其沼

拳毛騧 長安志太宗所乘六駿石像在陵浸廣遂瀕洞為龍池焉 後五曰拳毛騧平劉黑闥時乘有石真容自拔箭處贊曰日精按轡天駒橫行弧矢再載氛埃廓清有中師九箭處金石錄太宗六馬其一曰拳毛騧黃馬黑喙平劉黑闥時乘

子花 杜陽雜編代宗自陝還命御馬九花驄并紫玉鞭轡以賜郭子儀被九花文號九花驄亦有師子驄皆其類 漢志新豐有驪山天中記載杜詩注師子花即九花驄也 唐志昭應本新豐有宮在

獻寶 穆天子傳曰天子西征至陽紆之山河伯馮養之所都居驪山下 是惟河宗氏天子沈璧于河河伯乃與天子披圖視典用觀天子之寶器玉海引水經注云玉果瑤珠燭銀金膏等物皆河圖所載河伯以禮穆王視圖乃導以西邁矣舊注周穆王自此歸而土昇蓋以比

送韋諷上閬州錄事參軍

國步猶艱難兵革未衰息萬方哀一作嗷嗷十載一作供

軍食庶官務割剝不暇憂反側誅求何多門賢者貴

為德晉作賢俊愧為力 韋生富春秋洞澈有清識操持紀綱地

喜見朱絲直當令舊豪奪吏自此無顏色必若救瘡

瘳先應去蝥賊揮淚臨大江高天意悽惻行行樹佳

政慰我深相憶

射蛟 前漢記元封五年武帝自滬陽浮江親射蛟江中獲之 舊書明皇親拜

金粟堆 舊書明皇親拜 五陵至睿宗橋

玄宗之升遐也 射蛟 陵見金粟山岡有龍盤虎踞之勢復近先皇謂侍臣曰吾千秋後宜葬此地長安志明皇泰陵在蒲城東北三十里金粟山廣德元年三月葬泰陵

將軍魏武之子孫於今為庶為清門英雄割據雖

將軍魏武之子孫於今為庶為清門英雄割據雖

寄

方曰此至利會千本
烟字誤加臣
子孫亦云郭公孫
詩也又和司宗

花駭... 色白... 柳... 世... 錦... 照... 君...
花駭... 色白... 柳... 世... 錦... 照... 君...
花駭... 色白... 柳... 世... 錦... 照... 君...

已矣文彩風流猶今尚存學書初學衛夫人但恨無

過玉右軍丹青不知老將至富貴於我如浮雲開

元之中一作常引見承恩數上南薰殿凌烟功臣少顏

色將軍下筆開生面良相頭上進賢冠猛將腰間大

羽箭褒公鄂公毛髮動英姿颯爽一作來一作酣戰先帝

天一作馬玉花驄盡工如山貌不同是日牽來赤墀下

迴一作立聞闔生長風詔謂將軍拂絹素意匠慘淡經

營中斯須九重真龍出一洗萬古凡馬空玉花却在

御榻上榻上庭前屹相向至尊含笑催賜金圍人太

僕皆惆悵弟子韓幹早入室亦能畫馬窮殊相一作幹

惟畫肉不畫骨忍使驪駒氣凋喪將軍畫盡一作善一作蓋

有神必一作逢佳士亦寫真即今飄泊干戈際屢貌尋

常行路人途窮反遭俗眼白世上未有如公貧英華作

但看古來盛名下終日坎壈纏其身他富至

衛夫人法書要錄羊欣傳古來能書人名蔡邕授于神人而傳之崔瑗

之張懷瓘書斷衛夫人名鑠字茂猗廷尉展之女弟恒之從女汝陰太守

李矩之妻也隸書循善規矩鍾公右軍常師之永和五年卒子克為中書

郎亦工書書史會要王曠導從弟與衛世為南薰殿典慶宮之北有

門內有凌烟貞觀十七年詔閣立本畫凌烟閣功臣二十四圖上自為

都督褒國忠壯公志玄第十韋述兩京記太極宮中有凌烟閣在凝陰殿

內功臣閣在凌烟閣南南部新書畫功臣皆北面設三隔內一層畫功高

王又外一層寫功高侯韓幹長安志載西陽雜俎云韓幹藍田人少時

馳非馬之狀也音宋問顧陸之輩已稱改步周齊間董展之流亦云變態
雖權奇滅沒乃屈產蜀駒尚翹舉之姿安徐之體至於毛色率多騮騶
雖駁無他奇異玄宗好大馬御廐至四十萬遂有沛艾大馬西域大宛歲
有來獻骨力追風毛彩照地不可名狀號木槽馬聖人舒身安神如據床
榻是知異于古馬也時主好藝韓君問生遂命悉圖其駿則有玉花驄照
夜白等時岐薛申寧王廐中皆有善馬幹並圖之遂為古今獨步唐朝名
畫錄韓幹京兆人也天寶中召入供奉上令師陳闕畫馬帝怪其不
同因詰之奏云臣自有師陛下內廐之馬皆臣之師也上甚異之

閬州東樓筵奉送十一舅往青城縣得昏字

曾城有高樓舊作會制古丹雘存迢迢百餘尺豁達開四
門雖有一作會車馬客而無人世喧遊目俯大江列筵慰
別魂是時秋冬交節往顏色昏天寒鳥獸休一作伏霜露
在草根今我送舅氏萬感集清樽登伊山川間迴首
盜賊繁高賢意不暇王命久崩奔臨風欲慟哭聲出
已復吞

嚴氏溪放歌行

天下甲晉作兵馬未盡銷豈免溝壑常漂漂劍南歲月不
可度邊頭公卿仍獨驕其驕一作何費心姑息是一役肥肉
大酒徒相要嗚呼古人已糞土獨覺志士甘漁樵况
我飄轉無定所終日慼慼忍羈旅秋宿一作夜霜一作清溪素
月高喜得與子長夜語東遊西還力實倦從此將身
更何許知子松根長茯苓遲暮有意來同煮

嚴氏溪

顏魯公離堆記閬州之東百餘里有縣曰新政新政之南數千
步有山曰離堆斗入嘉陵江上岬嶸而下淵洑不與衆山相聯

屬東面有石堂焉故京兆鮮于若之所開鑿也堂有室堂北盤石之上有
九曲流杯池堂南有茅齋其壁間有詩焉皆君舅著作郎嚴從君甥殿中
侍御史嚴兪之等美君考槃之所作也按嚴氏溪疑卽此地史稱閬州嚴
氏子疏言鮮于叔明少孤養子于外族冒嚴姓華陽國志閬中大姓有三
狐五馬蒲趙公卿邊頭公卿未知所指舊注紛
紛指郭英又嚴武皆說夢耳

公卿

任黃嚴也

右曰公卿
別字三月
阻絕下云
自問曰
寄居子
皆屬于
皆屬于
皆屬于

南池

崢嶸巴閬間所向盡山谷安知有蒼池萬頃浸坤軸
呀然閬城南一作枕帶巴江腹菱荷入異縣稷稻共比
屋皇天不無意美利戒止足高田失西成此物頗豐
熟清源多衆魚遠岸富喬木獨歎楓香林春時好顏
色南有漢王一作主祠終朝走巫祝歌舞散靈衣荒哉舊
風俗高堂一作亦明王魂魄猶正直不應空陂上縹緲
親酒食淫祀自古昔非唯一川瀆干戈浩茫茫地僻
傷極目平生江海一作興遭亂身局促駐馬問漁舟躊
躇慰羈束

南池

寰宇記郡國志云彭道將魚池在閬州西南四口述云川東南池東西二里南北約五里州城西南十里郭池周約五十畝二池

與漢志注相符方輿勝覽南池在高祖廟旁東西四里南北八里漢志彭道將池在今南池也魚池在今郭池也然則此池本彭之所開

發閬中

前有毒蛇後猛虎溪行盡日無村塢江風蕭蕭雲拂
地山木慘慘天欲雨女病妻憂歸意速一作急秋花錦石
誰復一作能數別家三月一得書一作書避地何時免愁苦

雲溪友議李太白為蜀道難乃為房杜危之也杜初作閬中行豺狼當路無地遊從太白初出蜀即以行路難示賀知章而野史記嚴武與房杜相忤皆在太白已卒之後知友議非為論也閬中水經注漢水又東南過巴郡閬中縣巴西郡縣本漢舊縣閬水迂曲經其三面縣居其中蓋取為縣名閬地志閬江迂曲三面環之曰閬中

寄韓諫議

今我不樂思岳陽身欲奮飛病在床美人娟娟隔秋
水濯足洞庭望八荒鴻飛冥冥日月白青楓葉赤天

因之好神山引
子房

雨一作飛霜玉京羣帝集北斗或騎騏驎翳鳳皇芙蓉旌

旗一作旄烟霧樂影動倒景搖瀟湘星宮之君醉瓊漿羽

人稀少不在旁似聞昨者赤松子恐是漢代韓張良

昔隨劉氏定長安帷幄未改神慘傷國家成敗吾豈

敢色難腥腐餐風一作楓香周南留滯古所一作莫惜南極老

人應壽昌美人胡為隔秋水焉得置之貢玉堂

玉京

鄴侯外傳必游衡山嵩山遇神仙桐柏真人美門子安期先生降之羽車幢節流雲神光照灼山谷將曙乃去授以長生羽化服餌之道

且戒之曰太上有命以國祚中危朝廷多難宜以文武之道佐佑人主功及生靈然後可登真脫屣耳自是多絕粒咽氣修谷神黃老之要玉京羣帝以下蓋隔

赤松子

舊書必好談神仙說道或云常帷幄外傳肅宗延于與赤松子王喬安期美門游處

出則聯鑣至保定郡必先于本院寐肅宗來入院不令人驚之登床捧必首置于膝久方覺必乞游衡岳實以肅宗猜忌蜀郡功臣不獨以李輔國

之故也張子房願棄人間事從赤松子遊以避呂氏之禍必之心迹畧相似故以赤松張良為比又曰帷幄未改神慘傷也

老人隋志

憶昔二首

憶昔先皇巡朔方千乘萬騎入咸陽陰山驕子汗血

馬長驅東□□走藏鄴城反覆不足怪關中小兒壞

紀綱張后不樂上為忙至今今上猶撥亂勞身焦思

補四方我昔近侍叨奉引出兵一作岳整肅不可當一作忘為

留猛士守未央致使岐雍防西羌□□直來坐御床

老人一星在弧前一曰南極常以秋分之旦見于丙春分之夕没于丁見則治平主壽昌黃帝占老人星一名壽星色黃明大則主壽昌天下多賢士箋曰程嘉燧曰此詩蓋為李泌而作余考之是也按史及家傳必從肅宗于靈武既立大功而倖臣李輔國害其能因表乞遊衡岳優詔許之山居累年代宗即位累有頒賜號天柱峯中岳先生無幾徵入翰林公此詩蓋當鄴侯隱衡山之時勸勉韓諫議欲其貢置之玉堂也安劉帷幄在立肅之代舍必其諱韓諫議舊本各注余考韓休之子法上元中為諫議大夫有學尚風韻高雅當即其人注字蓋傳寫之誤胡三省曰據鄴侯家傳代宗纔立即召泌也須經幸陝必豈得全無一言召泌亦在幸陝之後李繁誤記耳此詩作于鄴侯未應召之日當亦是幸陝前後也

百官跣足隨天王願見北地傅介子老儒不用尚書郎

東口回紇助兵討賊收復兩京安慶緒鄴城史思明既降復叛殺慶緒于鄴城故曰反覆關

中小兒舊書李輔國開廐馬家小兒少為鬪貌陋粗知書計為僕事高力士郭湜高力士傳輔國趨馳末品小了織人熒惑兩宮推傷

萬姓因而恣行舊書后寵遇專房與李輔國持權禁中干預政事威福不懼典刑張后請謁過當帝頗不悅無如之何唐國史補肅宗五月五日抱小公主對山人李唐于便殿顧唐曰念之勿怪唐曰猛士東

太上皇亦應思見陛下肅宗涕泣是時張氏已盛不由已矣日為留猛士守未央謂奪郭子儀兵柄留宿衛也代宗即位子儀自河南入朝程元振數譖之子儀請解副元帥節度使留京師廣德元年十月吐蕃入寇上出幸陝州子儀收

復京師十二月駕還長安

已身履其難少屬亂離長于軍旅即位以來勞心焦思禍猶未艾亦可以少悟矣乃復信任程元振解子儀兵柄以召口口之禍此不亦童昏之尤乎公不敢斥言而以憶昔為詞其旨意婉而切矣

憶昔開元全盛日小邑猶藏萬家室稻米流脂粟米

白公私倉廩俱豐一作富實九州道路無豺虎一作遠行

不勞吉日出齊紈魯縞車班班男耕女桑不相失宮

中聖人奏雲門天下朋友皆膠漆百餘年間未災變

叔孫禮樂蕭何律豈聞一絹直萬錢有田種穀今流

血洛陽宮殿燒焚盡宗廟新除狐兔穴傷心不忍問

耆舊復恐初從亂離說小臣魯鈍無所能朝廷記識

蒙祿秩周宣中興望我皇洒血一作江漢身一作衰疾

明皇紀開元二十五年天下斷死刑五十八幾致刑措鳥巢寺之獄上特

推功元輔封李林甫為晉國公牛仙客為魏國公柳芳唐曆開元二十八

年天下雄富京師米價斛不盈二百絹亦如之東由汴宋

西歷岐鳳夾路列店陳酒饌待客人萬里不持寸刃

若不見東川節度兵馬雄校獵亦似觀成功夜發猛

若不見東川節度兵馬雄校獵亦似觀成功夜發猛

若不見東川節度兵馬雄校獵亦似觀成功夜發猛

若不見東川節度兵馬雄校獵亦似觀成功夜發猛

若不見東川節度兵馬雄校獵亦似觀成功夜發猛

方曰三篇
盛朝野新加

後一言為
此書種種
而在此是

星冬獵而
若不見東
若不見東

吐蕃... 王... 王... 王...

落日迴蒼穹幕前生致九青兕駝巋危垂玄熊東
西南北百里間鬣髯蹴踏寒山空有鳥名鸚鵡力不
能高飛逐走蓬肉味不足登鼎俎何為見羶虞羅中
春蒐冬狩侯一作得同使君五馬一馬驄泥今攝行大
將權號令頗有前賢風飄然時危一老翁十年厭見
旌旗紅喜君士卒甚整肅為我迴轡擒西戎草中狐
兔盡何益天子不在咸陽宮朝廷雖無幽王禍得不
哀痛塵再蒙嗚呼得不哀痛塵再蒙

舊書嚴武傳上皇誥以劍兩川合為一道是時已廢東川節度使故章以
刺史領留後事詩云東川節度則循其舊稱也時代宗幸陝詔徵天下兵
無一人應召者
故公感激言之

自平

自平

自平宮中呂太一一作中宮收珠南海千餘日近供生犀

翡翠稀復恐征戎一作干戈密蠻溪豪族小一作動搖世

封刺史非時一作朝蓬萊殿前一作諸主將才如伏波不

得驕

呂太一舊書廣德元年宦官市舶使呂太一逐廣南節度使張休縱下
大掠廣州韋倫傳代宗即位中官呂太一于嶺南矯詔募兵為

亂通鑑張休棄城走端州太一縱兵焚掠官軍討平之黃鶴曰考舊史當
作中官呂太一師古注云拾遺有呂寧為太一宮使唐未有此官號太一
即人名也亦初不云呂寧按鶴注良是所
謂拾遺者即師古輩妄撰如偽蘇注之類刺史舊注太宗時溪洞蠻
來歸順者皆授以刺史

不以時朝比于內諸侯姑務羈縻而已
公兩川說八州素歸心于其世襲刺史

箋曰此詩言唐盛時處置蠻夷之法蠻溪豪族小動搖言其小小蠢動朝
廷置之不問也世封刺史非時朝不責以時朝之禮也如此則蠻夷率俾

難有伏波之將不得生事于外也蓬
萊殿前諸主將指中官掌禁軍者而言

七

七

釋悶

四海十年不解兵□□一作羊也復臨咸京失道非關出

襄野揚鞭忽是過□晉作湖城豺狼塞路人斷絕烽火照

夜屍縱橫天子亦應厭奔走羣公固合思昇平但恐

誅求不改轍聞道夔孽能一作今全生江邊老翁錯料事

眼暗不見風塵清

揚鞭

世說王大將軍領軍姑熟晉明帝著戎服騎巴寶馬齎一金馬鞭陰察軍形勢按晉書敦屯兵于湖陰故曰湖城吳若本注曰晉王敦舉兵內向元帝微行至湖陰察敦營壘事自唐以來皆破句讀故溫庭筠樂府有湖陰曲金陵地名有湖陰張文潛云微行至于湖句斷

夔孽

謂代宗不能誅程元振也

贈別賀蘭鈺

黃雀飽野粟羣飛動荆榛今君抱何恨寂寞向時人

老驥倦驤首蒼

一作

鷹愁易馴高賢世未識固合嬰

貧國步初返正乾坤尚風塵悲歌鬢髮白遠赴湘吳

春我戀岷下芋君思千里蓴生離與死別自古鼻酸

辛

國步

謂代宗幸陝初還也

芋

水經注江都縣濱文井江江上有常民堤跨四十里有朱亭亭南有青城山山上有嘉穀山下有蹲鴟

即芋也所謂下有蹲鴟至老不饑卓氏之所以樂遠徙也

別唐十五誠因寄禮部賈侍郎

九載一相逢百年能幾何復為萬里別送子山之阿

白鶴久同林潛魚本同河未知棲集期衰老強高歌

歌罷兩悽惻六龍忽蹉跎相視髮皓白况難駐羲和

星墜燕地漢將仍橫戈蕭條四海內人少豺虎多

少人慎莫投多虎信所過飢有易子食獸猶畏虞羅
子負經濟才天門鬱嗟峨飄飄適東周來往若一作崩
波南宮吾故人白馬金盤陀雄筆映千古見賢心靡
一作他念于善師事歲寒守舊柯為吾謝賈公病肺卧
江沱

賈侍郎

按賈至傳廣德二年轉禮部侍郎

星墜燕地

廣德二年史朝義縊死傳首京師

閬山歌

閬州城東靈一作靈山白閬州城北玉臺一作靈碧松浮欲盡
不盡雲江動將崩未崩石那知根無鬼神會已覺氣
與嵩華敵中原格鬪且未歸應結茅齋看一作青壁
茅齋向青壁

靈山

寰宇記仙穴山在閬中縣東北十里輿地圖云靈山峰多禱樹昔蜀王鼂靈帝登此因名靈山山東南隅有玉女禱練石山頂有池常清有洞穴懸絕微有一小徑通

玉臺

輿地紀勝玉臺觀在城北七里唐滕王嘗遊之有滕王亭基

閬水歌

嘉陵江色一作何所似石黛碧玉相因依正憐日破浪
花二云出更復春從沙際歸巴童蕩槳欹側過水雞銜
魚來去飛閬中勝事可腸斷閬州城南天下稀

嘉陵

水經注漢水又南逕閬中縣東閬水出閬陽縣而東逕其縣南又東注漢水寰宇記嘉陵水又名西漢水又名閬中水周地圖云水源出秦州嘉陵因名嘉陵經閬中

閬中

閬中山其山四合于郡故曰閬中名山志云閬中山多仙聖游

集焉方輿勝覽亦名錦屏山在城南三里馮忠恕記云閬之為郡當梁洋梓益之衝有五城十二樓之勝概

前一作去

年渝州殺刺史今年開州殺刺史羣盜相隨劇

三絕句

嘉陵江色

嘉陵江色何所似石黛碧玉相因依正憐日破浪花出更復春從沙際歸巴童蕩槳欹側過水雞銜魚來去飛閬中勝事可腸斷閬州城南天下稀

古一絕句
盡歸漢

虎狼食人更肯留妻子

渝州殺刺史鮑欽止謂段子璋子璋反梓州襲綿陷劔于渝無與也師古云吳璘殺渝州刺史劉平杜鴻漸討平之霍封殺開州刺史蕭崇之楊子琳討平之黃鶴云事在大曆元年與三年考杜鴻漸傳無討平吳璘事大曆三年楊子琳攻成都為崔寧妾任氏所敗何從討平開州天寶亂後蜀中山賊塞路渝開之亂史不及書而杜詩載之師古妄人因杜詩而曲為之說并吳璘等姓名皆師古偽撰以欺人也注杜者之可恨如此

時迴頭却向秦雲哭
一家同人蜀唯殘
一人出駱谷自說
一女齧臂

駱谷寰宇記駱谷道漢魏舊道也南通蜀秦曹爽伐蜀入駱谷三百餘里不得前牛馬驢騾以轉運死畧盡妾維出駱谷軍于長城即此
道也此道廢塞武德七年復開東北自鄠縣界西南

殿前兵馬雖驍雄
縱暴畧與羌渾同
聞道殺人漢水上
婦女多在官軍中

草堂

此三絕句
子相和詩
按不字
故字作

昔我去草堂蠻一作塞成都今我歸草堂成一作都適無

虞請陳初亂時反覆乃須臾一作大將赴朝廷羣小起

異圖中宵斬白馬盟歎氣已麤西取邛南兵北斷劔

閣隅布衣數十人亦擁專城居其勢不兩大始聞蕃

漢殊西卒却倒戈賊臣互相誅焉知肘腋禍自及梟

鏡徒義士皆痛憤紀綱亂相踰一國實三公萬人欲

為魚唱和作威福孰肯一作辨無辜眼前列柎械背後

吹笙竽談笑行殺戮一作血滿長衢到今用鉞地風

雨聞號呼鬼一作妾與鬼馬色悲充爾娛國家法令在

此又足驚吁賤子且奔走三年望東吳弧矢暗江海

難為遊五湖不忍竟舍此復來雒榛蕪入門四松在

方曰此詩大抵謂嚴
公不朝而射
互相得報
前到相械皆後
聖學者古今一
獨成都為是
公故下東吳而
塞不日之避兵
推妻子復
都何草堂
作又曰杜集
古詩甚多
二情不負
其仍大極古詩

漢馮
奉世
車改
利南
道報
盟時

不殺

屬此... 萬竹疎舊犬喜我歸低... 我歸沽酒携口蘆... 城郭喜... 腐儒飄飄... 骨髓幸未枯... 四松初移時大抵三尺強... 辨之

步屣一作萬竹疎舊犬喜我歸低舊作何入衣舊作裾鄰舍喜

我歸沽酒携口蘆一云提大官喜一作我來遣騎問所須

城郭喜一作我來賓客隘一作村墟天下尚未寧健兒勝

腐儒飄飄一作風塵際何地置一作老夫於時見一作疣贅

骨髓幸未枯飲啄媿殘生食薇不敢餘

寶應元年四月嚴武入朝七月劍南西川節度使徐知道反八月伏誅公携家避亂往梓州廣德二年武鎮劔南公復還成都草堂此詩云大將赴朝廷羣小起異圖謂武入朝而知道反也北斷劔閣隅謂知道以兵守要害武不得出也賊臣互相誅謂知道為其下李忠厚所殺也王洙梁權道輩以為承泰元年避崔旰之亂而吳若木于布衣專城之下注云即楊子琳相貞節之徒是時嚴武已沒公下峽適楚何常復歸草堂哉注家唯黃鶴能辨之

四松

四松初移時大抵三尺強別來忽三載一作離立如人

長會看根不拔莫計枝凋傷幽色幸一作秀發疎柯亦

一作昂藏所插小藩籬本亦有隄防終然振一作撥損得

恹一作千葉黃敢為故林主黎庶猶未康避賊今始歸

春草滿空堂覽物歎衰謝及茲慰淒涼清風為我起

洒面若微霜足以送老姿一作聊待一作偃蓋張我生

無根帶一作配爾一作亦茫茫有情且賦詩事迹可兩一作忘勿矜千載後慘澹蟠穹蒼

水檻

蒼江多風颺雲雨晝夜飛茅軒駕巨浪焉得不低垂

遊子久在外門戶無人持高岸尚如一作谷何傷浮柱

歌扶顛有勸誠恐貽識者嗤既殊大厦傾可以一木

范石湖詩已報... 此石如柱可... 此石如柱可...

支臨川視萬里何必欄檻爲人生感故物慷慨有餘悲

浮柱西京賦時遊極于浮柱注三輔各梁爲極作遊梁置浮柱上

破船

平生江海心宿昔具扁舟豈惟青溪上日傍柴門遊
蒼皇避亂兵緬邈懷舊丘鄰人亦已非野竹獨脩脩
船舷不重扣埋沒已經秋仰看西飛翼下愧東逝流
故者或可掘新者亦易求所悲數奔竄白屋難久留

營屋

我有陰江竹能令朱夏寒陰通積水內高入浮雲端
甚一作疑鬼物憑不顧剪伐殘東偏若面勢戶牖永可

安愛惜已六載茲晨去千竿蕭蕭見白日洶洶開奔
湍度堂匪華麗養拙異考槃草茅雖雜葺衰疾方少
寬洗然順所適此足代加餐寂無斤斧響庶遂憇息
歡

若面勢

鮮于注若順也吳若本注去蕪草也蕪音潛山非

除草

草有害于人曾何生阻修其毒甚蜂蠆其多彌道周
清晨步前林江色未散憂芒刺在我眼焉能待高秋
霜露一作雪一霑凝一作水蕪葉亦難留荷鋤先童稚日入仍
討求轉致水中央豈無雙釣舟頑根易滋蔓敢使依
舊丘自茲一作移藩籬曠更覺松竹幽芟一作不可闕疾惡

信如讎

釣舟

晏日周禮雜氏掌殺草若欲其化則以水
火變之以釣舟載而致之水此水化也

揚旗

二年夏六月成都尹嚴公置
酒公堂觀騎士試新旗幟

江

一作風

兩颯長夏府中有餘清我公會賓客肅肅有異

聲初筵

閱軍裝羅列照廣庭庭空六

一作四

馬入駮駮揚

旗

一作旆

旄迴迴偃飛蓋熠熠迸流星來纏

一作衝

風颯急去

擘山岳傾材歸俯身盡妙取畧地平虹霓就掌握舒

卷隨人輕三州陷□□但見西嶺青公來練猛士欲

奪天邊城此堂不易升庸蜀日已寧吾徒且加餐休

適蠻與荆

三州

柳芳唐曆廣德元年振運絕劍南節
度高適不能軍吐蕃陷松維保三州

有理

太子張舍人遺織成褥段

客從西北來遺我翠

一作細

織成開緘風濤湧中有掉尾

鯨透迤羅水族瑣細不足名客云充君襜承君終宴

榮空堂魍魅

一作魍

走高枕形神清頌客珍重意願我非

公卿留之懼不祥施之混柴荆服飾定尊卑大哉萬

古程今我一賤老短一作短褌更無營煌煌珠宮物寢處

禍所嬰

一作繁

歎息當路子干戈尚縱橫掌握有權柄衣

馬自

一作已

肥輕李鼎死岐陽實以驕貴盈來瑱賜自盡

氣豪直

一作真

阻兵皆聞黃金多坐見悔吝生奈何田舍

翁受此厚貺情錦鯨卷還客始覺心和平振我麤席

塵媿客茹

一作飯

藜羹

一作皆聞

織成

廣雅天竺出細織成宋書禮志諸織成衣帽錦帳純金銀器雲母從廣一寸以上者皆為禁物

李鼎上元元年以羽林大

將軍李鼎為鳳翔尹興鳳隴等州節度使二年二月党項平羗寇寶雞入散關陷鳳州鳳翔李鼎邀擊之六月以鼎為鄯州刺史隴右節度

瑱

來瑱為襄陽節度使代宗潛令裴茂圖之瑱擒茂于申江入朝謝罪廣德元年正月敗播州尉翌日賜死于鄆縣

箋曰史稱嚴武累年在蜀肆志逞欲恣行猛政窮極奢靡賞賜無度公在武幕下此詩特借以諷諭朋友責善之道也不然辭一織成之遺而侈談殺身自盡之禍不疾而呻豈詩人之意乎草堂詩箋次于廣德二年在嚴鄭公幕中之作當從之

莫相疑行

男兒生無所成頭皓白

樊作男兒一生無成頭皓白

牙齒欲落真可惜

憶獻三賦蓬萊宮自怪一日聲輝

一作輝

赫集賢學士

如堵牆觀我落筆中書堂往時文彩動人主文粹一作今此日

饑寒趨路旁晚將末契託年少

文粹晚將末契年少

當面輸心

背面笑寄謝悠悠世上兒一作莫爭好惡莫相疑

此句亦重言... 四月... 有蒼白... 至... 莫相疑

末契

陸機歎逝賦託末契于後生余將老而為客

別蔡十四著作

賈生慟哭後寥落無其人安知蔡夫子高義邁等倫

獻書謁皇帝志已清風塵流涕灑丹極萬乘為酸辛

天地則創痍朝廷當一作多正臣異才復間出周道日惟

新使蜀見知已別顏始一伸主人薨城府扶櫬歸咸

秦巴道此相逢會我病江濱憶念鳳翔都聚散俄十

春我衰不足道但願子意音作陳稍令社稷安自契魚

水親我雖消渴甚敢忘帝力勤尚思未朽骨復覩耕

桑民積水駕三峽浮龍倚長津揚舩洪濤間仗子

濟物身鞍馬下秦塞王城通北辰玄甲聚不散兵久

食恐貧窮谷無粟帛使者來相因若憑二云南轅吏陳作使

主人趙云指郭英又鶴云指嚴武爲是蓋英父單騎奔簡州爲晉州刺史韓澄所殺不當云堯城府也

國

贈此二卷 鈔澄之
... 桐城
... 借遠世
... 湘烟
... 西社
... 國才名雅 吳君山



陸松如

